


書 紀七之十二




漢書門			
九〇一六	四二二	三二二	三二二
號	函	架	冊

內閣文庫			
五〇一六	三二二	二九一	二九一
號	冊	函	架

內閣文庫	
番號漢	5016
冊數	32 (4)
函號	279 52

正史廿六号



綴じ部(喉部分)の文字など開きが不鮮明な箇所あり

漢書帝紀卷七

昭帝紀

漢書文庫

孝昭皇帝

荀悅曰諱弗之字曰不應劭曰禮諡法聖聞周達曰昭

武帝少子也

母曰趙婕妤

師古曰婕接幸也仔美稱也故以名宮中婦官倜音接仔音余字或竝從女

本以有奇異得幸

師古曰謂望氣者言有奇女天子氣及召見手指拳上自披之即時

仲及生帝亦奇異

文穎曰十月乃生語在外戚傳武帝末戾

太子敗燕王旦廣陵王胥行驕嫚

師古曰行音下更反後元二

年二月上疾病

疾甚曰病

遂立昭帝為太子年八歲以待

中奉車都尉霍光為大司馬大將軍受遺詔輔少主

鐘人傑曰
二語亦奇

明日武帝崩戊辰太子即皇帝位謁高廟帝姊鄂邑

公主益湯沐邑為長公主應劭曰鄂縣名屬江夏公主所食曰邑師古曰鄂音

五各友帝之姊妹則稱長公主儀共養省中省察也言入此

比諸王又以供養天子故益邑也大將軍光秉政領尚書事車

中皆當察視不可妄也騎將軍金日磾左將軍上官桀副焉夏六月赦天下

秋七月有星孛于東方濟北王寬有罪自殺賜長公

主及宗室昆弟各有差追尊趙婕妤為皇太后起雲

陵文穎曰婕妤先葬於雲陽是以就雲陽為起雲陵冬匈奴入朔方殺略吏

民發軍屯西河左將軍桀行北邊

始元元年春二月黃鵠下建章宮太掖池中公卿上

壽賜諸侯王列侯宗室金錢各有差巳亥上耕于鉤

盾弄田臣瓚曰西京故事弄田在未央宮中師古曰弄田謂宴游之田天子所戲弄耳益封

燕王廣陵王及鄂邑長公主各萬三千戶夏為太后

起園廟雲陵益州廉頭姑繒牂牁談指同竝二十四

邑皆反蘇林曰皆西南夷別種名也竝音伴遣水衡都尉呂破胡募吏

民及發犍為蜀郡犇命擊益州大破之應劭曰舊時郡國皆有材

官騎士以赴急難今夷反常兵不足以討之故權選取精勇聞命奔走故謂之奔命犇古奔字犍音虔

有司請河內屬冀州河東屬并州秋七月赦天下賜

劉放曰是年二月有

赦紀失載宣紀及丙

言博可考

王禮曰君

在諒陰而

稱賀上壽

非禮也蓋

百文帝行

聖喪之制

習以為常

此公卿不

學之過也

王禕曰霍光秉政始行寬緩欲以悅天下故赦數下也

丘濬曰漢世之節不

但以發兵使外夷雖

亦持節矣

王禕曰此霍光輔治之初政也

事經徭薄賦與民休息而詔辭又皆簡質

若有其事而無其辭

者

民百戶牛酒大雨渭橋絕八月齊孝王孫劉澤謀反

欲殺青州刺史雋不疑師古曰雋音材竟反又音辭竟反發覺皆伏

誅遷不疑為京兆尹賜錢百萬九月丙子車騎將軍

日磾薨閏月遣故廷尉王平等五人持節行郡國舉

賢良問民所疾苦寃失職者冬無冰

二年春正月大將軍光左將軍桀皆以前捕斬反虜

重合侯馬通功封光為博陸侯桀為安陽侯以宗室

母在位者舉茂材劉辟疆劉長樂皆為光祿大夫辟

疆守長樂衛尉師古曰長樂宮之衛尉也三月遣使者振貸貧民

毋種食者秋八月詔曰往年災害多今年蠶麥傷

振貸種食勿收責毋令民出今年田租冬發習戰射

士詣朔方調故吏將屯田張掖郡師古曰調謂發選也故吏前為官職

者令其部率習戰射士於張掖為屯田也

三年春二月有星孛于西北秋募民徙雲陵賜錢田

宅冬十月鳳皇集東海遣使者祠其處十一月壬辰

朔日有蝕之

四年春三月甲寅立皇后上官氏文穎曰上官桀孫安之女赦天

下辭訟在後二年前皆勿聽治孟康曰武帝後二年夏六月皇

后見高廟賜長公主丞相將軍列侯中二千石以下

及郎吏宗室錢帛各有差徙三輔富人雲陵賜錢戶

十萬秋七月詔曰比歲不登民匱於食流庸未盡還

師古曰流庸謂去其本鄉而行為人庸作往時令民共出馬其止勿出諸

給中都官者且減之師古曰中都官京師諸官府冬遣大鴻臚田

廣明擊益州廷尉李种坐故縱死罪棄市師古曰种音冲

五年春正月追尊皇太后父為順成侯夏陽男子張

延年詣北闕自稱衛太子誣罔要斬師古曰夏陽馮翊之縣夏

罷天下亭母馬及馬弩關應劭曰武帝數伐匈奴再擊大宛馬死略盡乃令天

下諸亭養母馬欲令其繁孳又作馬上弩機關今悉罷之孟康曰舊馬高五尺六寸齒未平弩十石以上

皆不得出關今不禁也師古曰亭六月封皇后父驃

騎將軍上官安為桑樂侯師古曰樂音來各反詔曰朕以眇身

獲保宗廟戰戰栗栗夙興夜寐修古帝王之事通保

傳傳孝經論語尚書未云有明其令三輔太常舉賢

良各二人郡國文學高第各一人賜中二千石以下

至吏民爵各有差罷詹耳真番郡秋大鴻臚廣明軍

正王平擊益州師古曰廣明田廣明斬首捕虜三萬餘人獲畜

產五萬餘頭

六年春正月上耕于上林二月詔有司問郡國所舉

賢良文學民所疾苦議罷鹽鐵權酷應劭曰武帝時以國用不足縣

官悉自賣鹽鐵酷酒昭帝務本移中監蘇武前使匈奴

奴留單于庭十九歲廼還蘇林曰移音移廢名也應劭曰移地名監其官也掌

鞞馬鷹犬射獵之具奉使全節以武為典屬國如淳曰以其久在外國知邊事

故令典主諸屬國師古曰典屬國本秦官漢因賜錢

之掌歸義蠻夷屬官有九譯令後省并大鴻臚秋七月罷

百萬夏旱大雩不得舉火臣瓚曰不得舉火抑陽助陰也

權酷官令民得以律占租如淳曰律諸當占租者家長身各以其物占占不以

實家長不身自書皆罰金二斤沒入所不自占物及賈錢縣官也師古曰占謂自隱度其實定其辭也占

音章瞻反下又言占名數其義並同賣酒升四錢以

今猶謂獄訟之辨曰占皆其意也邊塞闊遠取天水隴西張掖郡各二縣置金城郡詔

曰鈎町侯毋波率其君長人民擊反者斬首捕虜有功

應劭曰町音若挺西南夷也毋波其名其立毋波也今牂牁鈎町縣是也師古曰音劬挺

為鈎町王大鴻臚廣明將率有功賜爵關內侯食邑元鳳元年春

應劭曰三年中鳳皇北下東海海西樂鄉於是以冠元焉長公主共

養勞苦復以藍田益長公主湯沐邑泗水戴王前薨以母嗣國除後宮有遺腹子煖

師古曰煖音許遠反相內史不奏言上聞而憐之立煖為泗水王相內史皆下獄三

凌雅陸門
北卷第廿
齊前共奏
首中句

真德秀曰漢世待德

行之士如

此可謂有

禮矣其後

平帝時龔

勝即漢俱

乞骸骨

白遣之皆

如韓福故

事恭雖無

道其口

善義之士

恩意殷勤

其情豈非

其修飾立

名之時歟

凌雅隆曰

按鄂邑長

公主等皆

謀反伏誅

可是綱以

月賜郡國所選有行義者涿郡韓福等五人帛人五

十匹遣歸詔曰朕閔勞以官職之事鄧展曰閔哀韓

以官職之事其務修孝弟以教鄉里令郡縣常以正月賜

羊酒有不幸者賜衣被一襲祠以中牢師古曰幸者

故歿謂之不幸一襲一稱也猶今武都氏人反師古

遣執金吾馬適建龍頷侯韓增大鴻臚廣明將

三輔太常徒皆免刑擊之師古曰姓馬適名建也龍

侯表云弓高壯侯韓頷當子諶頷漢書本或作雒字功臣

封龍頷侯元鼎五年坐酎金免夏六月赦天下秋七

月乙亥晦日有蝕之既八月改始元為元鳳九月鄂

邑長公主燕王旦與左將軍上官桀桀子驃騎將軍

安御史大夫桑弘羊皆謀反伏誅初桀安父子與大

將軍光爭權欲害之詐使人為燕王旦上書言光罪

時上年十四張晏曰武帝崩時八歲即位於今七歲

大將軍爭權詐為燕王上書蓋追道前年事耳非今歲也張說失之覺其詐後有譖光

者上輒怒曰大將軍國家忠臣先帝所屬敢有譖毀

者坐之光由是得盡忠語在燕王霍光傳冬十月詔

曰左將軍安陽侯桀驃騎將軍桑樂侯安御史大夫

桑弘羊皆數以邪枉干輔政大將軍不聽而懷怨望

與燕王通謀置驛往來相約結燕王遣壽西長孫縱之等賂遺長公主丁外人謁者杜延年大將軍長史

公孫遺等交通私書

蘇林曰壽西姓也長名也孫姓縱之名服虔曰外人主之所幸

也晉灼曰漢語字少君師古曰此杜延年別自一人非下諫大夫也

共謀令長公主置

酒伏兵殺大將軍光徵立燕王為天子大逆毋道故

稻田使者燕倉先發覺

如淳曰特為諸稻田置使者假與民收其稅入也以

告大司農敞

楊敞也

敞告諫大夫延年

杜延年杜周之子

延年

以聞丞相徵事任官手捕斬桀

張晏曰漢儀注徵事比六百石皆故吏二

千石不以臧罪免者為徵事絳衣奉朝賀正月

丞相少史王壽誘將安入府

門皆已伏誅吏民得以安封延年倉宮壽皆為列侯

又曰燕王迷惑失道前與齊王子劉澤等為逆抑而

不揚望王反道自新今廼與長公主左將軍桀等謀

危宗廟王及公主皆自伏辜其赦王太子建公主子

文信及宗室子與燕王上官桀等謀反父母同產當

坐者皆免為庶人其吏為桀等所誑誤未發覺在吏

者除其罪

劉敞曰在吏謂桀也已在吏者

二年夏四月上自建章宮徙未央宮大置酒賜郎從

官帛及宗室子錢人二十萬吏民獻牛酒者賜帛布

一匹六月赦天下詔曰朕閱百姓未贍贍足也前于減

漕三百萬石師古曰減省轉漕所以休力役也頗省乘輿馬及苑馬

師古曰乘輿馬謂天子所自乘以駕車輿者呂補邊郡三輔傳馬張晏曰驛馬也

師古曰傳音張戀反其令郡國毋歛今年馬口錢文穎曰往時有馬口出歛

錢今省三輔太常郡得以叔粟當賦師古曰諸應出賦算租稅者皆聽以

叔粟當錢物也叔豆也

三年春正月泰山有大石自起立上林有柳樹枯僵

自起生師古曰僵偃也謂樹枯死僵臥在地者也僵音紀良反罷中牟苑賦貧

民在榮詔曰迺者民被水災頗匱於食朕虛倉廩師古曰倉新穀所藏也廩穀所振入也使使者振困乏其止四年毋漕

年以前所振貸非丞相御史所請邊郡受牛者勿收

責應劭曰武帝始開三邊徙民屯田皆與犁牛後丞相御史復間有所請今勅身上所賜與勿收責丞

相所請乃令其顧稅耳夏四月少府徐仁廷尉王平左馮翊賈

勝胡皆坐縱反者仁自殺平勝胡皆要斬冬遼東烏

桓反以中郎將范明友為度遼將軍將北邊七郡郡

二千騎擊之

四年春正月丁亥帝加元服如淳曰元服謂初冠加上服也見于高

廟賜諸侯丞相大將軍列侯宗室下至吏民金帛

牛酒各有差賜中二千石以下及天下民爵毋收四

年五年口賦如淳曰漢儀注民年七歲至十四出口賦錢人二十三二十錢以食天子其三

錢者武帝加口錢以捕車騎馬也三年以前逋更賦未入者皆勿收

如淳曰更有三品有卒更有踐更有過更古者正卒

無常人皆當迭為之一月一更是為卒更也貧者欲

得顧更錢者次直者出錢顧之月二千是謂踐更也

天下人皆直戌邊三日亦名為更律所謂繇戌也雖

丞相子亦在戌邊之調不可人人自行三日戌又行

者當自戌三日不可往便還因更住一歲一更諸不

行者出錢三百入官官以給戌者是為過更也律說

卒踐更者居也居更縣中五月乃更也後從尉律卒

踐更一月休十一月也食貨志日月為更卒已復為

正一歲屯戌一歲力役三十倍於古此漢初因秦法

而行之也後遂改易有謫乃戌邊一歲耳令天下

逋未出更錢者也師古曰更音工衡反天下酺

五日甲戌丞相千秋薨師古曰田千秋夏四月詔曰度遼將

軍明友前以羌騎校尉將羌王侯君長以下擊益州

反虜後復率擊武都反氏今破烏桓斬虜獲生有功

師古曰既斬反虜又獲生口也俘取曰獲其封明友為平陵侯平樂監傅

介子持節使師古曰持節而為使誅斬樓門王安歸首縣北關

封義陽侯五月丁丑孝文廟正殿火上及羣臣皆素

服發中二千石將五校作治六日成師古曰率領五校之士以作治

也校音下教反太常及廟令丞郎吏皆劾大不敬會赦太常

轅陽侯德免為庶人文穎曰轅音料德江德也轅陽在魏郡師古曰會六月赦耳史

主律曰五校謂中壘屯騎越騎射聲虎賁

漢書行紀

終言 六月赦天下

五年春正月廣陵王來朝益國萬一千戶賜錢二千

萬黃金二百斤劔二安車一乘馬二駟師古曰夏大

早六月發三輔及郡國惡少年吏有告劾亡者屯遼

東師古曰惡少年謂無賴子弟也秋羅象郡分屬鬱

林牂牁冬十一月大雷十二月庚戌丞相訢薨師古曰王

訢也訢亦欣字

六年春正月募郡國徒築遼東玄菟城夏赦天下詔

曰夫穀賤傷農師古曰糶多而錢少是為傷也今三輔太常穀減賤

其令以叔粟當今年賦應劭曰太常掌諸陵園皆徙天下豪富民以充實之後悉

為縣故與三輔司賦右將軍張安世宿衛忠謹封富平侯烏桓

復犯塞遣度遼將軍范明友擊之

元平元年春二月詔曰天章以農桑為本日者省用

罷不急官師古曰謂非要無官減外繇師古曰繇讀曰徭耕桑者益眾

而百姓未能家給朕甚愍焉其減口賦錢有司奏請

減什三上許之甲申晨有流星大如月眾星皆隨西

行夏四月癸未帝崩于未央宮臣瓚曰帝年九歲即位即位十三年壽二

十二師古曰帝年八歲即位明年改元改元之後凡十三年年二十一六月壬申葬平

漢書帝紀

卷七

一

陳仁子曰
武帝平口
賦惟恐不
增昭字于
賦惟恐
不減盡耗
之漢天至
為秦者意
無自邪

陵臣瓚曰自前王葬凡四十九日平陵在長安西北七十里

贊曰昔周成以孺子繼統而有管蔡四國流言之變。

四國謂管蔡商奄也孝昭幼年即位亦有燕蓋上官逆亂之謀。

成王不疑周公。孝昭委任霍光。各因其時以成名。大

矣哉。承孝武奢侈餘敝師旅之後。海內虛耗。戶口減

半。光知時務之要。輕繇薄賦。與民太息。至始元元鳳

之間。匈奴和親。百姓克實。舉賢良文學。問民所疾苦。

議鹽鐵。而罷權酷。尊號曰昭。不亦宜乎。

丘濬曰漢自武帝以後雖設丞相徒建空名而已然在人君威權已出之時猶之可也一旦彌留之

際受遺詔輔少主一切委之武臣而平日所謂丞相者曾不與聞自是以後大司馬大將軍遂執國

柄世世不易以至于僭移國祚其禍兆于此歟李德裕曰昭帝年十四而知燕王書詐周成玉有

慙德矣高祖交景不如也成玉聞管蔡流言觀召公不悅遂至周公狼跋而東鷓鴣之詩作矣漢高

開陳平去魏背楚欲捨腹心臣景帝信讒誅鼂錯兵解遂戮三公所謂執狐疑之心來讒賊之口向

使昭帝得伊呂之佐則成康不如矣惜哉

師古曰太子有兄弟有長弟有生史皇孫家姓稱之

皇孫納王夫人生宣帝號曰皇曾孫生數月

太子良娣皇孫王夫人皆遇害語在太子

帝幼以孺子繼統而有管蔡四國流言之憂

孝昭幼年即位亦有燕蓋上官逆亂之謀

成王不疑周公孝昭委任霍光各因其時以成名大

矣

漢書帝紀卷八

宣帝紀

孝宣皇帝

荀悅曰諱詢字次卿詢之字曰武帝曾孫

戾太子孫也

後武帝覺寤遂族充家

宣帝不得以加惡諡也

太子納史良娣

師古曰太子有妃有良娣有

孺子凡三等娣音次第之第

生史皇孫

師古曰以外

家姓稱之故

皇孫

皇孫納王夫人生宣帝號曰皇曾孫生數月遭

巫蠱事太子良娣皇孫王夫人皆遇害語在太子傳

曾孫雖在襁緥

李奇曰襁緥也以繒布為之絡負小兒襁卽今之小兒緇也襁音居丈反

緝音保緇 猶坐收繫郡邸獄 如淳曰謂諸郡邸置獄也師古曰據漢舊儀郡

音補耕反 邸獄治天下郡國上計者屬大鴻臚此蓋 而丙吉為

廷尉監 師古曰監者 治巫蠱於郡邸憐曾孫之亡辜

使女徒復作淮陽趙徵卿涿城胡組更乳養 孟康曰復音服

謂弛刑徒也有赦令詔書去其鉗釵赭衣更犯事不

從徒加與民為例故當復為官作滿其本罪年月日

律名為復作也師古曰孟說是也趙徵卿淮陽人胡

組涿城人皆女徒也二人更遞乳養曾孫而丙吉傳

云郭徵卿紀傳不同未 私給衣食視遇甚有恩巫蠱

事連歲不決至後元二年武帝疾往來長楊五柞宮

師古曰長楊五柞二宮並在盤屋 望氣者言長安獄

中有天子氣上遷使者分條中都官獄繫者 師古曰中都官

凡京師諸 輕重皆殺之內謁者令郭穰夜至郡邸獄

官府也 入曾孫賴吉得全因遭大赦吉延載曾孫送祖母史

良娣家語在吉及外戚傳後有詔掖庭養視上屬籍

宗正時掖庭令張賀嘗事戾太子思顧舊恩 顧念哀

會孫奉養甚謹以私錢供給教書既壯為取暴室嗇

夫計廣漢女 師古曰暴室者掖庭主織作染練之署

故謂之暴室取暴曬為名耳或云薄室 者薄亦暴也今俗語亦云薄曬蓋暴室職務既多因

為置獄主治其罪人故往往云暴室獄耳然非獄名

漢書卷之八

劉放曰武
帝後元二
年無赦元
年乃有益

又勅元
帝二年後
又誤為二
年
師古曰
入條曰
數語明悉

齊夫者暴室屬官亦猶縣會孫因依倚廣漢兄弟及

劉辰翁曰叙帝少而

及壯哀樂

祖母家史氏受詩於東海復中翁師古曰東海人姓復字中翁也復音

里。奸邪吏治得失數上下諸陵周徧三輔游行皆常

困於蓮勺鹵中如淳曰為人所困辱也蓮勺縣有鹽池縱廣十餘里其鄉人名為鹵中蓮

音輦勺音灼尤樂杜鄠之間師古曰二縣之間也鄠音扈率常在下杜

孟康曰在長安南師古曰率者音灼時會朝請舍長安尚

總計之言也下杜即今之杜城

冠里文穎曰以屬弟尚親故歲時隨宗室朝會也如淳曰春日朝秋曰請師古曰舍止也尚冠者長

安中里名帝會朝請之時即身足下有毛臥居數有

於此里中止息請音才姓反

光耀師古曰遍身及足下皆有毛每買餅所從買家輒大饑師古曰雖

讀曰亦以是自怪元平元年四月昭帝崩毋嗣大將

軍霍光請皇后徵昌邑王六月丙寅王受皇帝璽綬

尊皇后曰皇太后癸巳光奏王賀淫亂請廢語在賀

及光傳秋七月光奏議曰禮人道親親故尊祖尊祖

故敬宗大宗無嗣擇支子孫賢者為嗣孝武皇帝曾

孫病已師古曰蓋以夙遭屯難而多病苦故名有詔

掖庭養視至今年十八師受詩論語孝經操行節儉

慈仁愛人可以嗣孝昭皇帝後奉承祖宗于萬姓奏

爰稚隆曰

此傳姿態

生色却于

詩詔中見

可遣宗正德至曾孫尚冠里舍洗沐賜御府衣太僕

以軫獵車奉迎曾孫文穎曰軫獵小車前有曲輿不衣也近世謂之軫獵車也時未

備天子車駕故且取其輕便耳軫音鈴就齊宗正府庚申入未央宮見

皇太后封為陽武侯師古曰先封侯者不欲立庶人為天子也已而羣臣

奏上璽綬即皇帝位謁高廟八月己巳丞相敞薨師古

日楊敞也九月大赦天下十一月壬子立皇后許氏賜諸

侯王以下金錢至吏民鰥寡孤獨各有差皇太后歸

長樂宮長樂宮初置屯衛

本始元年春正月募郡國吏民訾百萬以上徙平陵

文穎曰昭帝陵遣使者持節詔郡國二千石謹收養民而風

德化大將軍光稽首歸政上謙讓委任焉論定策功

益封大將軍光萬七千戶車騎將軍光祿富平侯

安世萬戶李奇曰居光祿位以車騎官號尊之無車騎官屬詔曰故丞相安

平侯敞等居位守職與大將軍光車騎將軍安世建

議定策以安宗廟功賞未加而薨其益封敞嗣子忠

及丞相陽平侯義蔡義度遼將軍平陵侯明友范明前

將軍龍維侯增韓增太僕建平侯延年杜延年太常蒲侯

昌蘇昌諫大夫宜春侯譚王譚當塗侯平師古曰功臣表云魏不害以捕

反者胡倩功封當塗侯其子聖以定策功益封凡二千二百戶今此紀言當塗侯平與表乖錯未知孰是或者有杜侯屠者堂蘇林曰姓復陸其祖父復陸支二名乎本匈奴胡也歸義為屬國王從

御史大夫廣明為昌水侯田廣後將軍克國為營平

侯趙充大司農延年為陽城侯田延少府樂成為爰

氏侯史樂光祿大夫遷為平丘侯下賜右扶風德周

典屬國武蘇廷尉光李宗正德楚元王之曾大鴻臚

賢韋詹事畸蘇林曰畸音畸隻之畸師光祿大夫吉

丙京輔都尉廣漢趙廣爵皆關內侯德武食邑張晏

關內侯無邑也以蘇武守節外夏四月庚午地震詔

內郡國舉文學高第各一人韋昭曰中國為內郡綠

郡成帝時內郡舉方正北五月鳳皇集膠東千乘赦

天下賜吏二千石諸侯相下至中都官官吏六百石

爵各有差師古曰中都官謂在京師自左更至五大

夫師古曰左更第十二爵也五賜天下人爵各一級

孝者二級女子百戶牛酒租稅勿收六月詔曰故皇

太子在湖未有號諡湖縣歲時祠其議諡置園邑語

在太子傳秋七月詔立燕刺王太子建為廣陽王刺

爵敬曰此賜爵不及中二千石者緣王即位九族已為關侯矣

美京曰扶風以下八人而獨德武食邑者蓋於德則親於武也

漢書卷八

來曷反

立廣陵王胥少子弘為高密王

二年春以水衡錢為平陵徙民起第宅

應劭曰水衡與少府皆天

子私藏耳縣官公作當仰給司農今出水衡錢言宣帝即位為異政也晉灼曰食貨志初大司農管鹽鐵官布多故置水衡欲以主鹽鐵及楊河告緡上林財物衆乃令水衡主上林上林三官主鑄錢也

司農陽城侯田延年有罪自殺

師古曰坐增餽直而自入

夏五月

詔曰朕以眇身奉承祖宗夙夜惟念孝武皇帝躬履

仁義選明將討不服匈奴遠遁平氏羌昆明南越百

蠻鄉風款塞來享

應劭曰款叩也皆叩塞門來服從也

建太學修郊祀

定正朔協音律封泰山塞宣房

蘇林曰隄名在東郡界

符瑞應

寶鼎出白麟獲功德茂盛不能盡宣而廟樂未稱故

稱副也

其議奏有司奏請宜加尊號六月庚午尊孝武

廟為世宗廟奏盛德文始五行之舞

應劭曰宣帝復采昭德之舞為

盛德舞以尊世宗廟也諸帝廟皆常奏文始四時五行舞也

天子世世獻武帝巡

狩所幸之郡國皆立廟賜民爵一級女子百戶牛酒

匈奴數侵邊又西伐烏孫烏孫昆彌及公主因國使

者上書

師古曰昆彌烏孫王之號也國使者漢朝之使也

言昆彌願發國精

兵擊匈奴唯天子哀憐出兵以救公主秋大發典調

關東輕車銳卒選郡國吏三百石伉健習騎射者皆

從軍

師古曰仇強也音口浪反

御史大夫田廣明為祁連將軍後

將軍趙克國為蒲類將軍

晉灼曰匈奴傳有蒲類澤

雲中太守田

順為虎牙將軍及度遼將軍范明友前將軍韓增凡

五將軍兵十五萬騎校尉常惠持節護烏孫兵咸擊

匈奴

三年春正月癸亥皇后許氏崩戊辰五將軍師發長

安夏五月軍罷祁連將軍廣明虎牙將軍順有罪下

有司皆自殺

晉灼曰田千秋子也廣明坐逗畱順坐增虜獲

校尉常惠將烏

孫兵入匈奴右地大克獲封列侯大旱郡國傷旱甚

者民毋出租賦三輔民就賤者且毋收事盡四年師古曰

曰收謂租賦也事謂役使也盡本始四年而止

六月己丑丞相義薨

師古曰蔡義

四年春正月詔曰蓋聞農者興德之本也今歲不登

已遣使者振貸困乏其令太官損膳省宰樂府減樂

人使歸就農業丞相以下至都官令丞上書入穀輸

長安倉助貸貧民民以車船載穀入關者得毋用傳

師古曰傳傳符也欲穀之多故不問其出入也傳音張戀反

三月乙卯立皇后霍

氏賜丞相以下至郎吏從官金錢帛各有差赦天下

夏四月壬寅郡國四十九地震或山崩水出詔曰蓋

江德秀曰
漢自文帝

口能下詔
之後踵為

故帝不皆
出于詠意

王禕曰此

海今青羅

密三州之

地廣川故

信都國今

深黑保一

災異者天地之戒也朕承洪業奉宗廟託于士民之

上未能和羣生廼者地震北海琅邪壞祖宗廟朕甚

懼焉丞相御史其與列侯中二千石博問經學之士

有以應變輔朕之不逮毋有所諱令三輔太常內郡

國舉賢良方正各一人律令有可蠲除以安百姓條

奏被地震壞敗甚者勿收租賦大赦天下上以宗廟

墮素服避正殿五日師古曰墮者毀也音火規反五月鳳皇集北

海安丘淳于師古曰二縣皆屬北海郡秋廣川王吉有罪廢遷上

庸自殺

地節元年

應劭曰地節山崩水出於是改年曰地節欲令地得其節春正月

有星孛于西方三月假郡國貧民田師古曰權以給之不常與夏

六月詔曰蓋聞堯親九族以和萬國朕蒙遺德本承

聖業惟念宗室屬未盡而以罪絕若有賢材改行勸

善其復屬使得自新師古曰復音扶目反冬十一月楚王延壽

謀反自殺十二月癸亥晦日有蝕之

二年春三月庚午大司馬大將軍光薨詔曰大司馬

大將軍博陸侯師古曰尊之故不名宿衛孝武皇帝三十餘年

輔孝昭皇帝十有餘年遭大難躬秉義率三公諸侯

九卿大夫定萬世策以安宗廟天下蒸庶咸以康寧

功德茂盛朕甚嘉之復其後世疇其爵邑張晏曰律非始封十

減二疇者等也言不復減也師古曰復音方目反世世毋有所與師古曰與讀曰豫

功如蕭相國夏四月鳳皇集魯郡羣鳥從之大赦天

下五月光祿大夫平丘侯王遷有罪下獄死上始親

政事又思報大將軍功德廼復使樂平侯山領尚書

事師古曰霍山光之兄孫而令羣臣得奏封事以知下情五日

一聽事自丞相以下各奉職奏事以傳奏其言傳讀曰敷

考試功能侍中尚書功勞當遷及有異善厚加賞賜

至于子孫終不改易師古曰言各久其職事也樞機周密品式備

具上下相安莫有苟且之意也

三年春三月詔曰蓋聞有功不賞有罪不誅雖唐虞

猶不能以化天下今膠東相成勞來不怠師古曰王成也勞來

者言慰勉而招延之也流民自占八萬餘口師古曰占者謂自隱度其戶口而著

名籍也古音之贍反治有異等其秩成中二千石賜爵關內侯

又曰鰥寡孤獨高年貧困之民朕所憐也前下詔假

公田貸種食其加賜鰥寡孤獨高年帛二千石嚴教

吏謹視遇毋令失職令內郡國舉賢良方正可親民

劉效曰

子孫謂

實賜遷及

子孫非謂

侍中尚書

至于孫不

改易也

按樞機事

數句叙事

中夾贅語

者。夏四月戊申立皇太子大赦天下賜御史大夫爵

關內侯中二千石爵右庶長天下當為父後者爵一

級賜廣陵王黃金千斤諸侯王十五人黃金各百斤

列侯在國者八十七人黃金各二十斤冬十月詔曰

迺者九月壬申地震朕甚懼焉有能箴朕過失及賢

良方正直言極諫之士以匡朕之不逮毋諱有司。李奇

曰諱避也雖有司在顯職皆言其過勿避之朕既不德不能附遠是以邊

境屯戍未息今復飭兵重屯久勞百姓。飭讀與勅同非所

以綏天下也其罷車騎將軍右將軍屯兵又詔池籩

未御幸者假與貧民。蘇林曰折竹以繩縣連禁籩使人不得往來律名為籩郡

國宮館勿復修治流民還歸者假公田貸種食。師古曰種

五穀種也音之勇反且勿算事。師古曰不出算賦及給徭役十一月詔曰朕

既不逮導民不明。師古曰不逮者意慮不及也反側晨典念慮萬

方不忘元元唯恐羞先帝聖德故竝舉賢良方正以

親萬姓歷載臻茲然而俗化闕焉。師古曰多歷年載迄至于今傳

曰孝弟也者其為仁之本與其令郡國舉孝弟有行

義聞於鄉里者各一人十二月初置廷尉平四人秩

六百石省文山郡并蜀。師古曰以其縣道隸蜀郡

陳確曰宣帝之政見于風俗者乃見于此

真德秀曰

宣帝此語

可謂斟酌

人情之至

噫帝以景

帝保匿而

存似亦有

所觸而然

四年春二月封外祖母為博平君故鄣侯蕭何曾孫

建世為侯詔曰導民以孝則天下順今百姓或遭衰

經凶災

師古曰衰音于回反

而吏繇事使不得葬傷孝子之心

朕甚憐之自今諸有大父母父母喪者勿繇事使得

收斂送終盡其子道夏五月詔曰父子之親夫婦之

道天性也雖有患禍猶蒙死而存之

師古曰蒙冒也

誠愛結

於心仁厚之至也豈能違之哉自今子首匿父母妻

匿夫孫匿大父母皆勿坐

師古曰凡首匿者言為謀首而藏匿罪人

其父

母匿子夫匿妻大父母匿孫罪殊死皆上請廷尉以

聞立廣川惠王孫文為廣川王秋七月大司馬霍禹

謀反詔曰廼者東織室令史張赦

應劭曰舊時有東西織室織作文繡

郊廟之服令史其主者吏

使魏郡豪李竟報冠陽侯霍雲謀為大

逆

如淳曰報白也師古曰此說非也謂張赦因李竟傳言於霍雲與共謀反耳非告白其罪也

朕

以大將軍故抑而不揚冀其自新今大司馬博陸侯

禹與母宣成侯夫人顯及從昆弟冠陽侯雲樂平侯

山

師古曰據霍光傳雲山皆去病之孫則於禹為子行也今此紀言從昆弟蓋傳寫者脫子字耳當言

從昆弟子也

諸姊妹壻度遼將軍范明友長信少府鄧廣

漢中郎將任勝騎都尉趙平長安男子馮殷等

晉灼曰漢

語字 子都 謀為大逆顯前又使女侍醫淳于衍進藥殺共

哀后師古曰殺讀曰謀毒太子欲危宗廟逆亂不道

咸伏其辜諸為霍氏所誣誤未發覺在吏者皆赦除

之八月巳酉皇后霍氏廢九月詔曰朕惟百姓失職

不贍遣使者循行郡國問民所疾苦吏或營私煩擾

不顧厥咎朕甚閔之今年郡國頗被水災已振貸鹽

民之食而賈咸貴師古曰賈衆庶重困師古曰更其

減天下鹽賈又曰令甲死者不可生甲乙者若今之

刑者不可息師古曰息謂生長也言剗削臙割之此

先帝之所重而吏未稱今繫者或以掠辜若飢寒

死獄中蘇林曰瘵病也囚徒病律名為瘵師古曰瘵

病是也此言囚或以掠答及飢寒及疾病而何用心逆人道也朕甚痛之其

令郡國歲上繫囚以掠答若瘵死者所坐名縣爵里

師古曰名其人名也縣所屬縣也丞相御史課殿最

以聞師古曰凡言殿最者殿後也課居後也十二月

清河王年有罪廢遷房陵

元康元年春以杜東原上為初陵更名杜縣為杜陵

徙丞相將軍列侯吏二千石訾百萬者杜陵三月詔

也

王碑曰改
元誅霍氏

曰廼者鳳皇集泰山陳畱甘露降未央宮朕未能章

先帝休烈協寧百姓承天順地調序四時獲蒙嘉瑞

賜茲祉福夙夜兢兢靡有驕色內省匪解永惟罔極

師古曰省視也永長也惟思也罔無也極中也帝言內自視察不敢惰怠長思政道恐無其中也解讀曰

懈書不云乎鳳皇來儀庶尹允諧師古曰虞書益稷之篇其赦

天下徒賜勤事吏中二千石以下至六百石爵自中

郎吏至五大夫佐史以上二級師古曰賜中郎吏爵得至五大夫自此以

上每為等級而高賜也五大夫第九爵也民一級女

子百戶牛酒加賜鰥寡孤獨三老孝弟力田帛所振

貸勿收夏五月立皇考廟益奉明園戶為奉明縣師古

曰奉明園即皇考史皇孫之所葬也本名廣明後追改也復高皇帝功臣絳侯周

勃等百三十六人家子孫令奉祭祀世世勿絕其毋

嗣者復其次秋八月詔曰朕不明六藝鬱于大道孟康

曰鬱不通也是以陰陽風雨未時其博舉吏民厥身修正

通文學明於先王之術宜究其意者各二人中二千

石各一人冬置建章衛尉

二年春正月詔曰書云文王作罰刑茲無赦師古曰周書康

誥之辭也今吏修身奉法未有能稱朕意朕甚愍焉其赦

勸效曰爵

自中郎吏

文誤蓋本

云自中更

至五大夫

傳者誤以

更為吏遂

衍出郎字

年

知此語是

勸效曰此

語是下悉

相從史者

故云各二

漢書帝紀 卷八
天下與士大夫厲精更始。師古曰言文王作罰有犯之者皆刑無赦今我意有

所閔閔吏修身奉法矣而未稱其任故特赦之與更始耳二月乙丑立皇后王氏

師古曰王奉光女賜丞相以下至郎從官錢帛各有差三月

以鳳皇甘露降集賜天下吏爵二級民一級女子百

戶牛酒鰥寡孤獨高年帛夏五月詔曰獄者萬民之

命所以禁暴止邪養育羣生也能使生者不怨死者

不恨則可謂文吏矣今則不然用法或持巧心析律

貳端深淺不平。師古曰析分也謂分破律條妄生端緒以出入人罪增辭飾非

以成其罪奏不如實上亦亡繇知。上者天子自謂也此朕之

不明吏之不稱四方黎民將何仰哉二千石各察官

屬勿用此人吏務平法或擅典徭役飾厨傳稱過使

客。師古曰使人及賓客來者稱其意而遣之越職踰

法以取名譽譬猶踐薄冰以待白日豈不殆哉今天

下頗被疾疫之災朕甚愍之其令郡國被災甚者毋

出今年租賦又曰聞古天子之名難知而易諱也今

百姓多上書觸諱以犯罪者朕甚憐之其更諱詢諸

觸諱在令前者赦之。師古曰今謂今詔書冬京兆尹趙廣漢有

罪要斬

享坤曰詔
簡而厚

三年春以神爵數集泰山賜諸侯王丞相將軍列侯二千石金郎從官帛各有差賜天下吏爵二級民一級女子百戶牛酒鰥寡孤獨高年帛三月詔曰蓋聞

象有罪舜封之骨肉之親祭而不殊師古曰祭明也殊絕也當明於

仁恩不離絕也其封故昌邑王賀為海昏侯又曰朕微眇時

御史大夫丙吉中郎將史曾史玄長樂衛尉許舜侍

中光祿大夫許延壽皆與朕有舊恩及故掖庭令張

賀輔導朕躬修文學經術恩惠卓異厥功茂焉詩不

云乎無德不報師古曰大雅抑之詩也言受人之德必有報也封賀所子弟

子侍中中郎將彭祖為陽都侯如淳曰賀張安世元

祖為子師古曰所子追賜賀諡曰陽都哀侯吉曾玄

舜延壽皆為列侯故人下至郡邸獄復作師古曰謂胡組趙徵

卿之輩也復音扶目反嘗有阿保之功臣瓚曰阿倚保養也皆受官祿田

宅財物各以恩深淺報之夏六月詔曰前年夏神爵

集雍晉灼曰漢注大如鷄爵黃喉白頸黑背腹斑文也師古曰鷄音晏今春五色鳥

以萬數飛過屬縣師古曰三輔諸縣也翱翔而舞欲集未下其

令三輔毋得以春夏擿巢探卵彈射飛鳥師古曰擿音佗狄反

射音食亦反具為令立皇子欽為淮陽王

凌雅隆曰無德不報

乃連句齒

中之因不

也則當

丁怨且非

嗣矣才足

帝丁之度

茅坤曰漢重誣告者

之罪以故

年八十而

猶坐

四年春正月詔曰朕惟耆老之人髮齒墮落血氣衰微亦亡暴虐之心今或羅文法拘執囹圄不終天命朕甚憐之自今以來諸年八十以上非誣告殺傷人佗皆勿坐遣太中大夫彊等十二人循行天下存問鰥寡覽觀風俗察吏治得失舉茂材異倫之士二月河東霍徵史等謀反誅三月詔曰迺者神爵五采以萬數集長樂未央北宮高寢甘泉泰畤殿中及上林苑朕之不逮寡于德厚屢獲嘉祥非朕之任其賜天下吏爵二級民一級女子百戶牛酒加賜三老孝弟力田帛人二匹鰥寡孤獨各一匹秋八月賜故右

風尹翁歸子黃金百斤以奉其祭祀又賜功臣適後

黃金人二十斤

師古曰適讀曰嫡承嗣者也或子或孫不拘後裔故總言後也

丙寅

大司馬衛將軍安世薨比年豐穀石五錢

師古曰比類也

神爵元年

應劭曰前年神爵集于長樂宮故改元

春正月行幸甘泉郊

泰時三月行幸河東祠后土詔曰朕承宗廟戰戰栗

栗惟萬事統未燭厥理

師古曰惟思也統緒也

迺元康四年嘉

穀玄稷降于郡國

服虔曰玄稷黑粟也

神爵仍集金芝九莖產

于函德殿銅池中

服虔曰金芝色像金也師古曰函德殿名也銅池承露是也以銅為

之函讀與舍同九真獻奇獸。晉灼曰漢注駒形麟色牛角南

郡獲白虎威鳳為寶。晉灼曰鳳之有威儀者也朕之不明震于珍

物。獲珍物而心感動也飭躬齋精祈為百姓東濟大河天氣清

靜神魚舞河幸萬歲宮神爵翔集。晉灼曰黃圖汾陰有萬歲宮是時幸

東河朕之不德懼不能任其以五年為神爵元年賜天

下勤事吏爵二級民一級女子百戶牛酒鰥寡孤獨

高年帛所賑貸物勿收行所過毋出田租西羌反發

三輔中都官徒弛刑。李奇曰弛廢也謂若今徒解鉗鈇赭衣置任輸作也師古曰中

都官京師及應募飲飛射士。服虔曰周時度江越人諸官府也

飛入水殺之漢因以材力名官許慎曰飲便利也師古曰取古勇力人以名官熊渠之類是也亦因取其

便利輕疾若飛故號飲飛飲音次羽林孤兒。應劭曰林諭若林木之意故

以名武官焉如淳曰百官表取從軍歿事者之子胡養羽林官教以五兵號曰羽林孤兒少壯令從軍

越騎三河潁川沛郡淮陽汝南材官金城隴西天水

安定北地上郡騎士羌騎詣金城夏四月遣後將軍

教克國疆弩將軍許延壽擊西羌六月有星孛于東

京卽拜酒泉太守辛武賢為破羌將軍與兩將軍竝

進。師古曰兩將軍卽趙克國許延壽詔曰軍旅暴露轉輸煩勞其令

諸侯王列侯蠻夷王侯君長當朝二年者皆毋朝。師古

漢書卷八十八
日朝來年之正月秋賜故大司農朱邑子黃金百斤以奉祭

祀後將軍克國言屯田之計語在克國傳

二年春二月詔曰廼者正月乙丑鳳皇甘露降集京

師羣鳥從以萬數朕之不德屢獲天福祇事不怠其

赦天下夏五月羌虜降服斬其首惡大豪楊玉酉非

首文穎曰羌胡名大帥為酋如中國言魁非首其名也師古曰文說大矣酋者自是魁帥之稱而此酋

不當其義也蓋首惡者唱首為惡也大豪者魁帥也楊玉及酉非皆人名言斬此二人之首級耳酉音才

由置金城屬國以處降羌秋匈奴日逐王先賢揮鄭氏

東之纏曰揮音纏將人眾萬餘來降使都護西域騎都尉鄭

吉迎日逐破車師皆封列侯九月司隸校尉蓋寬饒

有罪下有司自殺匈奴單于遣名王奉獻師古曰名王者謂有

大名以別諸小王也賀正月始和親師古曰賀來歲之正月

三年春起樂游苑師古曰三輔黃圖云在杜陵西北又關中記云宣帝立廟於曲池之

北號樂游案其處則今之所呼樂游廟者是也其餘基尚可識焉蓋本為苑後因立廟焉樂音來各反

三月丙午丞相相薨師古曰魏相秋八月詔曰吏不廉平

則治道衰今小吏皆勤事而奉祿薄師古曰奉音扶用反欲其

毋侵漁百姓難矣漁者若言漁獵也其益吏百石以下奉十

五如淳曰律百石奉月六百章昭曰若食一斛則益五斗

劉汝曰據百官表注首云律百石奉月十六斛

漢書卷八十八

卷八十八

八十八

婦人傑曰
神光嘉瑞
此詔獲孝
武之遺風

四年春二月詔曰廼者鳳皇甘露降集京師嘉瑞竝

見修典泰一五帝后土之祠祈為百姓蒙祉福師古曰為

音于鸞鳳萬舉蜚覽翱翔集止于旁師古曰萬舉猶言舉以萬數也

飛翔覽觀都邑也齋戒之暮神光顯著薦鬯之夕

神光交錯師古曰鬯香酒所以祭神或降于天或登于地或從四

方來集于壇上帝嘉嚮海內承福師古曰嚮讀曰饗其赦天

下賜民爵一級女子百戶牛酒鰥寡孤獨高年帛夏

四月潁川太守黃霸以治行尤異秩中二千石師古曰霸

舊已二千石矣今增為中二千石以寵異之此與地節三年增膠東相千石秩其事同耳漢制秩二千石

者一歲得一千四百四十石中二千石者一歲得二千一百六十石故曰中二千石中者滿也賜爵關內侯黃金百斤及潁川吏民有

行義者爵人二級力田一級貞婦順女帛令內郡國

舉賢良可親民者各一人五月匈奴單于遣弟呼留

若王勝之來朝師古曰呼留若者王冬十月鳳皇十

一集杜陵十一月河南太守嚴延年有罪弃市十二

月鳳皇集上林

五鳳元年應劭曰鳳皇五至因以改元云春正月行幸甘泉郊泰畤

皇太子冠皇太后賜丞相將軍列侯中二千石帛人

皇太子冠皇太后賜丞相將軍列侯中二千石帛人

百匹大夫人八十匹夫人六十匹又賜列侯嗣子爵

五大夫男子為父後者爵一級夏赦徒作杜陵者冬

十二月乙酉朔日有蝕之左馮翊韓延壽有罪奔南

二年春三月行幸雍祠五時夏四月己丑大司馬車

騎將軍增薨師古曰韓增秋八月詔曰夫婚姻之禮人倫

之大者也酒食之會所以行禮樂也今郡國二千石

或擅為苛禁禁民嫁娶不得具酒食相賀召由是廢

鄉黨之禮令民亾所樂非所以導民也詩不云乎民

之失德乾餱以愆師古曰小雅伐木之詩也餱食也愆過也言人無恩德不相飲食則

闕乾餱之事為過惡也乾音干餱音侯勿行苛政冬十一月匈奴呼湫

累單于帥眾來降師古曰湫古速字累音力追反封為列侯十二月

平通侯楊惲師古曰惲音於吻反坐前為光祿勳有罪免為庶

人不悔過怨望大逆不道要斬

三年春正月癸卯丞相吉薨師古曰丙吉也三月行幸河東

祠后土詔曰往者匈奴數為邊寇百姓被其害朕承

至尊未能綏安匈奴虛閭權渠單于請求和親病歿

右賢王屠耆堂代立骨肉大臣立虛閭權渠單于子

為呼韓邪單于擊殺屠耆堂諸王竝自立分為五單

劉敞曰行禮下多樂

漢書

卷八

十九

于更相攻擊死者以萬數畜產大耗什八九人民饑

餓相燔燒以求食因大乖亂單于闕氏服虔曰闕氏音焉支

孫昆弟及呼遼累單于名王右伊秩訾且渠當戶以

下師古曰伊秩訾且渠當戶皆匈奴官號也訾音子移反且音子余反將衆五萬餘人

來降歸義單于稱臣使弟奉珍朝賀正月北邊晏然

靡有兵革之事朕飭躬齋戒郊上帝祠后土神光竝

見或典于谷燭耀齊宮十有餘刻師古曰刻者以漏言時也甘露

降神爵集巴詔有司告祠上帝宗廟三月辛丑鸞鳳

又集長樂宮東闕中樹上張晏曰門外闕內衡馬之裏樹也飛下止

地文章五色畱十餘刻吏民竝觀朕之不敏懼不能

任婁蒙嘉瑞獲茲祉福師古曰婁古屢字書不云乎雖休勿

休祇事不怠師古曰周書呂刑之辭言雖見衰美勿自以為有德美當敬於事無怠惰也

公卿大夫其勗焉減天下口錢赦殊死以下賜民爵

一級女子百戶牛酒大酺五日加賜鰥寡孤獨高年

帛置西河北地屬國以處匈奴降者

四年春正月廣陵王胥有罪自殺匈奴單于稱臣遣

弟谷蠡王入侍服虔曰谷音鹿師古曰蠡音洛奚反以邊塞亾寇減戍

卒什二大司農中丞耿壽昌奏設常平倉以給北邊

應劭曰壽昌奏令邊都穀賤時增價而糶省轉漕賜

爵關內侯夏四月辛卯晦日有蝕之詔曰皇天見異

以戒朕躬是朕之不逮吏之不稱也以前使使者問

民所疾苦復遣丞相御史掾一十四人循行天下舉

冤獄察擅為苛禁深刻不改者

甘露元年春正月行幸甘泉郊泰畤匈奴呼韓邪單

于遣子右賢王銖婁渠堂入侍師古曰銖音殊二月

丁巳大司馬車騎將軍延壽薨文穎曰夏四月黃龍

見新豐丙申太上皇廟火甲辰孝文廟火上素服五

日冬匈奴單于遣弟左賢王來朝賀

二年春正月立皇子躡為定陶王師古曰詔曰廼者

鳳皇甘露降集黃龍登典醴泉湧流枯槁榮茂神光

竝見咸受禎祥其赦天下減民算三十師古曰一算

賜諸侯王丞相將軍列侯中二千石金錢各有差賜

民爵一級女子百戶牛酒鰥寡孤獨高年帛夏四月

遣護軍都尉祿將兵擊珠崖秋九月立皇子宇為東

平王冬十二月行幸萇陽宮應劭曰宮在鄠秦屬王

觀服虔曰以玉飾因名焉李奇曰屬匈奴呼韓邪單

玉音鸞鸞水鳥似鳩鵲以名觀也

于款五原塞願奉國珍朝三年正月

師古曰欲於甘露三年正月行

禮詔有司議咸曰聖王之制施德行禮先京師而後

諸夏先諸夏而後夷狄詩云率禮不越遂視既發相

土烈烈海外有觀

文穎曰遂徧也發行也言契能使其民率禮不越法度徧承視其教

令奉順而行也相上契孫也烈烈威也戡整齊也威

武之盛烈烈然四海之外率服整齊也師古曰此商頌長發

之詩 陛下聖德克塞天地光被四表匈奴單于鄉

風慕義舉國同心奉珍朝賀自古未之有也單于非

正朔所加王者所客也禮儀宜如諸侯王稱臣昧死

再拜位次諸侯王下詔曰蓋聞五帝三王禮所不施

不及以政今匈奴單于稱北藩臣朝

德不能弘覆其以客禮待之位諸侯王上

三年春正月行幸甘泉郊泰畤匈奴呼韓邪單于稽

侯耒來朝

應劭曰耒音若訓李奇曰耒音山師古贊曰稽音古奚及耒音刪又音先安反

謁稱藩臣而不名賜以璽綬冠帶衣裳安車駟馬黃

金錦繡繒絮使有司道單于先行

師古曰道讀就邸

長安宿長平上自甘泉宿池陽宮上登長平阪

如淳曰阪 詔單于毋謁

師古曰不其左右當戶之羣皆列觀也

孟康曰左右當戶匈奴官名 蠻夷君長王侯迎者數萬人夾道陳

胡纘宗曰匈奴媿悔以德威制之可也單于來朝以客禮行之如周家所以待前代之後則適矣

浸降曰單于來朝自是後非而長平阪單于左右皆列觀而稱萬歲不為稀

古奇觀班
史亦形容

得出
鐘人傑戶

此段便似
又迂衛驃

騎傳敵手

官表唯記三輔郡以上若

此皆不見姓無從知之

居幕南保光祿城

孟康曰前光祿

徐自為所築城

支單于遠遁

師古曰

匈奴遂定

一旬結

得斬截

蔡羣鳥四面行列皆鄉鳳皇立以萬數

師古曰行

音胡郎反

其

賜汝南太守帛百匹新蔡長吏三老孝弟力田鰥寡

孤獨各有差賜民爵二級毋出今年租三月巳丑丞

相霸薨

文穎曰

詔諸儒講五經同異太子太傅蕭望

之等平奏其議上親稱制臨決焉廼立梁丘易大小

夏侯尚書穀梁春秋博士冬烏孫公主來歸

應劭曰

楚王女

解

四年夏廣川王海湯有罪廢遷房陵冬十月丁卯未

央宮宣室閣火

黃龍元年

漢注云此年二月黃

龍見廣漢郡故改年

春正月行幸甘泉郊

泰時匈奴呼韓邪單于來朝禮賜如初二月單于歸

國詔曰蓋聞上古之治君臣同心舉措曲直各得其

漢書紀

三三

上登渭橋咸稱萬歲單于就邸置酒建章宮饗賜單

于觀以珍寶觀示也二月單于罷歸遣長樂衛尉高昌

侯忠功臣表重忠車騎都尉昌韓昌騎都尉虎文穎曰不知姓晉灼曰百

官表唯記三輔郡以上若將萬六千騎送單于單于

居幕南保光祿城孟康曰前光祿徐自為所築城詔北邊振穀食郵

支單于遠遁師古曰匈奴遂定詔曰廼者鳳皇集新

蔡羣鳥四面行列皆鄉鳳皇立以萬數師古曰行音胡郎反

賜汝南太守帛百匹新蔡長吏三老孝弟力田鰥寡

孤獨各有差賜民爵二級毋出今年租三月巳丑丞

相霸薨文穎曰黃霸詔諸儒講五經同異太子太傅蕭望

之等平奏其議上親稱制臨決焉廼立梁丘易大小

夏侯尚書穀梁春秋博士冬烏孫公主來歸應劭曰楚王女

解

四年夏廣川王海湯有罪廢遷房陵冬十月丁卯未

央宮宣室閣火

黃龍元年漢注云此年二月黃龍見廣漢郡故改年春正月行幸甘泉郊

泰時匈奴呼韓邪單于來朝禮賜如初二月單于歸

國詔曰蓋聞上古之治君臣同心舉措曲直各得其

漢書紀

二四

所是以上下和洽。海內康平。其德弗可及已。朕既不
 明。數申詔公卿大夫務行寬大。順民所疾苦。將欲配
 三王之隆明先帝之德也。今吏或以不禁姦邪為寬
 大。縱釋有罪為不苛。或以酷惡為賢。皆失其中。奉詔
 宣化如此。豈不繆哉。方今天下少事。繇役省減。兵革
 不動。庶民多貧。盜賊不止。其咎安在。上計簿具文而
 已。師古曰雖有其文而實不副也簿音步戶反務為欺謾以避其課。師古曰謾日謾
謂言也三公不以為意。朕將何任。師古曰言無所委任諸請詔
 省卒徒自給者皆止。應劭曰時有請云詔使出者皆卒徒以其直自給不復取稟

案師曰此詔即綜覈名實之大端

有進入於官非舊章也故絕之張晏曰先是武帝以用度不足宜有以益官者或奉使求不受奉祿自者其徒眾以取其稟者或自給於是姦吏緣以為利所得多於本祿故絕之御史察計簿

疑非實者按之使真偽毋相亂三月有星孛于王良

閣道入紫宮蘇林曰皆星名夏四月詔曰舉廉吏誠欲得其

真也吏六百石位大夫有罪先請秩祿上通足以效

其賢材自今以來毋得舉韋昭曰吏六百石者不得復舉為廉吏也冬十

二月甲戌帝崩于未央宮臣瓚曰帝年十八即位即位二十五年壽四十二

癸巳尊皇太后曰太皇太后師古曰於此已書尊太皇太后而元紀之首又

重書之然尊太皇太后及皇太后宜同一時則元紀為是而此紀誤重之

贊曰孝宣之治信實必罰綜核名實政事文學法理之士咸精其能至于技巧工匠器械自元成間鮮能及之亦足以知吏稱其職民安其業也遭值匈奴乖亂推亡固存信威北夷單于慕義稽首稱藩功光祖宗業垂後嗣可謂中興侔德殷宗周宣矣

凌稚隆曰讀宣帝傳止見帝之仁民愛物四夷賓服禎祥屢見而至于慘刻少恩處則于別傳詳之吳曾曰天下之事多成于貧賤感激之中而敗于富貴安樂之際理固無足疑者蘇秦其所成就雖不足道使其有三頃之田其能佩六國相印乎又况于為天下者哉故中興難于創業是謂不刊之說宣帝所以稱于西漢者正以其起于民間耳陳仁子曰宣帝綜核名實之主也此但成偽曾戶心厲精之初直假此風厲臣下雖失之一人而得之于萬人矣不然帝豈甘心受欺哉陳仁子曰孝文舉孝弟孝武舉孝弟至孝宣亦舉孝弟而帝號皆加孝之一字史言漢風俗醇厚其機果在上不在下也

漢書帝紀卷九

元帝紀

孝元皇帝

荀悅曰諱奭之字曰盛應劭曰諡法行義悅民曰元師古曰奭音式亦反

宣帝

太子也母曰共哀許皇后

張晏曰禮婦人從夫諡閔其見殺故兼二諡師古曰

劉攽曰此言二歲宣

宣帝微時生民間年二歲宣帝即位八歲立為

太子

師古曰宣帝即位之明年改元曰本始本始凡四年而改元曰地節地節三年立皇太子若初

即位

年二歲則立為太子時年九歲矣又宣帝以元

平元年七月

即位而外戚傳云許后生元帝數月宣

見宣帝所用多文法吏以刑名繩下

師古曰劉向別錄云甲子學號

徐玉湯

按先次太子桑仁一按起下文

疏太子案刑名刑名者以名責實尊君卑臣崇上抑大臣楊惲

凌稚蔭曰下宣帝好觀其君臣篇繩謂彈治之耳師古曰惲嘗侍燕

蓋寬饒等坐刺譏辭語為罪而誅師古曰惲嘗侍燕

從容言師古曰從音千容反陛下待刑太深宜用儒生宣帝作

色曰漢家自有制度本以霸王道雜之奈何純任德

教用周政乎且俗儒不達時宜好是古非今使人眩

於名實師古曰眩亂視也音胡眇反不知所守何足委任廼歎曰

亂我家者太子也繇是疏太子而愛淮陽王師古曰繇讀與

由曰淮陽王明察好法宜為吾子而王母張婕妤尤

幸上有意欲用淮陽王代太子然以少依許氏俱從

微起故終不肯焉黃龍元年十二月宣帝崩癸巳太

子即皇帝位謁高廟尊皇太后曰太皇太后蘇林曰上官后

皇后曰皇太后文穎曰甲成王皇太后母養元帝者也

初元元年春正月辛丑孝宣皇帝葬杜陵臣贊曰自崩至葬凡

二十八日杜陵在長安南五十里也賜諸侯王公列侯黃金吏二千

石以下錢帛各有差大赦天下三月封皇太后后兄侍

中中郎將王舜為安平侯丙午立皇后王氏以三輔

太常郡國公田及苑可省者振業貧民師古曰振起之令有作業

貲不滿千錢者賦貸種食師古曰賦給與之也貸假也貸音土載反種音之勇

疏太子案
凌稚蔭曰
桑仁好儒
一句從帝
之生平
吳京曰曰
大臣則刑
不上大夫
曰坐刺譏
詞語則罪
非殺無赦
此春秋書
法也
按俱從微
起應前微
字

反封外祖父平恩戴侯同產弟子中常侍許嘉為平

恩侯奉戴侯後

文穎曰戴侯許廣漢

夏四月詔曰朕承先帝之

聖緒獲奉宗廟戰戰兢兢聞者地數動而未靜懼於

天地之戒不知所繇

師古曰繇與由同

方田作時朕憂蒸庶

之失業臨遣光祿大夫褒等十二人循行天下

應劭曰自

臨面約敕乃遣之

存問耆老鰥寡孤獨困乏失職之民

師古曰失

職失其常業

延登賢俊招顯側陋因覽風俗之化相守二

千石誠能正躬勞力

師古曰相者諸侯王相也守郡守也

宣明教化以

親萬姓則六合之內和親庶幾虐無憂矣書不云乎

股肱良哉庶事康哉

師古曰虞書益稷之辭也

布告天下使明知

朕意又曰關東今年穀不登民多困乏其令郡國被

災害甚者毋出租賦江海陂湖園池屬少府者以假

貧民

師古曰湖深水

勿租賦賜宗室有屬籍者馬一匹至二

駟

師古曰二駟八匹

三老孝者帛五匹弟者力田三匹鰥寡

孤獨二匹吏民五十戶牛酒

師古曰以五十戶為率共賜之

六月以

民疾疫今大官損膳減樂府員省苑馬以振困乏秋

八月上郡屬國降胡萬餘人亡入匈奴九月關東郡

國十一大水飢或人相食轉旁郡錢穀以相救詔曰

間者陰陽不調黎民飢寒無以保治保安也惟德淺薄

不足以克入舊貫之居師古曰論語稱閔子騫云仍舊貫帝自謙言不足克入先

帝之宮室故引以為言也其令諸宮館希御幸者勿繕治師古曰繕補也

太僕減穀食馬水衡省肉食獸師古曰減謂損其數省者全去之

二年春正月行幸甘泉郊泰時賜雲陽民爵一級女

子百戶牛酒立弟竟為清河王三月立廣陵厲王太

子霸為王詔罷黃門乘輿狗馬師古曰黃門近署也故親幸之物屬焉

水衡禁園宜春下苑師古曰宜春下苑即今曲江池是少府飲飛外

池如淳曰漢儀注伏飛具燿繳以射鳧鴈給祭祀是故有池也嚴籓池田晉灼曰嚴籓射

也死假與貧民詔曰蓋聞賢聖在位陰陽和風雨時日

月光星辰靜黎庶康寧考終厥命師古曰考老也言得壽考終其天命

今朕恭承天地託于公侯之上明不能燭德不能綏

災異竝臻連年不息乃二月戊午地震于隴西郡毀

落太上皇廟殿壁木飾壞敗獠道縣城郭官寺及民

室屋壓殺人眾師古曰獠道屬天水凡府庭所在皆謂之寺獠音完山崩地裂

水泉涌出天惟降災震驚朕師師古曰治有大虧咎

至於斯夙夜兢兢不通大變深惟鬱悼未知其序師古

日鬱不通之意也序欠也間者歲數不登元元困乏不勝饑寒以

陷刑辟朕甚閔之郡國被地動災甚者無出租賦赦天下有可蠲除減省以便萬姓者條奏毋有所諱丞

相御史中二千石舉茂材異等直言極諫之士朕將

親覽焉夏四月丁巳立皇太子賜御史大夫爵關內

侯中二千石右庶長師古曰第一爵天下當為父後者爵

一級列侯錢各二十萬五大夫十萬師古曰五大夫第九爵六

月關東饑齊地人相食秋七月詔曰歲比災害民有

菜色慘惻於心師古曰慘痛也惻悼也已詔吏虛倉廩開府庫

振救賜寒者衣今秋禾麥頗傷一年中地再動北海

水溢流殺人民陰陽不和其咎安在公卿將何以憂

之其悉意陳朕過靡有所諱冬詔曰國之將興尊師

而重傅故前將軍望之傅朕八年道以經書厥功茂

焉道讀曰導其賜爵關內侯食邑八百戶朝朔望十二月

中書令弘恭石顯等譖望之令自殺

三年春令諸侯相位在郡守下師古曰此諸侯謂諸侯王也珠厓

郡山南縣反博謀羣臣待詔賈捐之以為宜棄珠厓

救民饑饉乃罷珠厓夏四月乙未晦茂陵白鶴館災

詔曰迺者火災降於孝武園館朕戰栗恐懼不燭變

按恭顯譖

殺望之詳

具本傳

按捐之諫

罷珠厓詳

具本傳

異咎在朕躬羣司又未肯極言朕過以至於斯將何以寤焉百姓仍遭凶阨無以相振加以煩擾虐苛吏

拘牽虐微文不得永終性命朕甚閔焉其赦天下夏

旱立長沙煬王弟宗為王鄭氏曰煬音封故海昏侯

賀子代宗為侯六月詔曰蓋聞安民之道本繇陰陽

間者陰陽錯謬風雨不時朕之不德庶幾羣公有敢

言朕之過者今則不然媿合苟從未肯極言師古曰媿與倫

同朕甚閔焉永惟烝庶之饑寒遠離父母妻子勞於

非業之作衛於不居之宮師古曰不急之事故云非業也恐非所以

佐陰陽之道也其罷甘泉建章宮衛令就農百官各

省費條奏毋有所諱有司勉之毋犯四時之禁丞相

御史舉天下明陰陽災異者各三人於是言事者衆

或進擢召見人人自以得上意本止一人字

四年春正月行幸甘泉郊泰畤三月行幸河東祠后

土赦汾陰徒賜民爵一級女子百戶牛酒鰥寡高年

帛行所過無出租賦

五年春正月以周子南君為周承休侯文穎曰姓姬名延年其祖

父姬嘉本周後武帝元鼎四年封為周子南君今奉周祠師古曰承休國在潁川位次諸侯

凌雅隆曰於是言事者衆與上兩詔永肯說說言句目處

王三月行幸雍祠五時夏四月有星孛于參詔曰朕

之不逮序位不明師古曰逮及也言官人之失其次序衆僚久慮師古曰

日慮古曠字曠空也未得其人元元失望上感皇天陰陽為變

咎流萬民朕甚懼之廼者關東連遭災害饑寒疾疫

天不終命詩不云乎凡民有喪匍匐救之師古曰邶國谷風之

其令大官毋日殺所具各減半師古曰乘輿秣馬食具也

無乏正事而已師古曰秣養也以粟秣食之也正事謂駕供郊祀蒐狩之事非游田者也

罷角抵土林宮館希御幸者齊三服官李斐曰齊國舊有三服之

官春獻冠幘縱為首服統素為冬服輕緇為夏服凡

三縱與纒同音山爾反即今之方日縈也統素今之

輕縈也緇北假膏壤殖穀北假地名北假田官據湯山北假中上恭傳五原

學者賜宗室子有屬籍者馬一匹至二駟三老孝者

帛人五匹弟者力田三匹鰥寡孤獨二匹吏民五十

戶牛酒省刑罰七十餘事除光祿大夫以下至郎中

保父母同產之令應劭曰舊時相保一人有過皆當坐之師古曰特為郎中以上除此

令者所以優之也同產謂兄弟也令從官給事官司馬中者得為大

父母父母兄弟通籍師古曰從官親近天子常侍從者皆是也官司馬門者宮之外

門也衛尉有八屯衛侯司馬主衛士徵巡宿冬十二

衛每面各二司馬故謂官之外門為司馬門

凌稚隆曰此詔用今字龍字賜字省字陰字起句分六段總之嘆是恤民

按谷書事

附載陳湯

傳

月丁未御史大夫貢禹卒衛司馬谷吉使匈奴不還

師古曰卽衛尉
八屯之衛司馬

永光元年春正月行幸甘泉郊泰畤赦雲陽徒賜民

爵一級女子百戶牛酒高年帛行所過毋出租賦二

月詔丞相御史舉質樸敦厚遜讓有行者光祿歲以

此科第郎從官

師古曰始令丞相御史舉此四科人
以擢用之而見在郎及從官又令光

祿每歲依此科考校定其
第高下用知其人賢否也
三月詔曰五帝三王任賢

使能以登至平而今不治者豈斯民異哉咎在朕之

不明亡以知賢也是故壬人在位

服虔曰壬
人安人也

而吉士

雍蔽

師古曰古善
也雍讀曰壅

重以周秦之弊民漸薄俗

師古曰
為薄俗

所漸染也重
音直用反

去禮義觸刑法豈不哀哉繇此觀之元

元行辜其赦天下令厲精自新各務農畝無田者皆

假之貸種食如貧民

師古曰此皆謂遇赦新
免罪者也故云如貧民

賜吏六

百石以上爵五大夫勤事吏二級為父後者民一級

女子百戶牛酒鰥寡孤獨高年帛是月雨雷隕霜傷

麥稼秋罷

如淳曰當言罷其官某事爛脫失之師古
曰秋者謂秋時所收穀稼也秋罷者言至

秋時無
所收也

二年春二月詔曰蓋聞唐虞象刑而民不犯

師古曰
象刑解

種人傑曰
秋罷字妙
如淳謂脫
誤者非

紀在武殷周法行而姦軌服師古曰軌與究同亂今朕

獲承高祖之洪業託位公侯之上夙夜戰栗永惟百

姓之急未嘗有忘焉然而陰陽未調三光掩昧師古曰掩

與暗元元大困流散道路盜賊並興有司又長殘賊

失牧民之術是皆朕之不明政有所虧咎至於此朕

甚自恥為民父母若是之薄謂百姓何師古曰言何

其大赦天下賜民爵一級女子百戶牛酒鰥寡孤獨

高年三老孝弟力田帛又賜諸侯王公主列侯黃金

中二千石以下至中都官長吏各有差吏六百石以

上爵五大夫勤事吏各二級三月壬戌朔日有蝕之

詔曰朕戰戰栗栗夙夜思過失不敢荒寧師古曰荒

廢事而惟陰陽不調未燭其咎婁赦公卿日望有效

婁古至今有司執政未得其中施與禁切未合民心

師古曰施惠薄禁令煩苛師古曰施惠暴猛之俗彌長和睦之道日衰百姓

愁苦靡所錯躬是以氛邪歲增侵犯太陽師古曰氛

者言非正氣正氣湛掩日久奪光師古曰湛讀與沈

也太陽日也同湛掩者見掩而

沒湛廼壬戌日有蝕之天見大異以戒朕躬朕甚悼焉

其令內郡國舉茂材異等賢良直言之士各一人夏

六月詔曰間者連年不收四方咸困元元之民勞於耕耘又亡成功困於饑饉亡以相救朕為民父母德不能覆而有其刑甚自傷焉其赦天下秋七月西羌反遣右將軍馮奉世擊之八月以太常任千秋為奮威將軍別將五校並進師古曰別領五校之兵而與右將軍並進

三年春西羌平軍罷三月立皇子康為濟陽王夏四月癸未大司馬車騎將軍接薨師古曰冬十一月詔

曰廼者巳丑地動中冬雨水太霧師古曰中盜賊並

起吏何不以時禁各悉意對冬復鹽鐵官博士弟子員以用度不足民多復除無以給中外繇役

四年春二月詔曰朕承至尊之重不能燭理百姓婁

遭凶咎加以邊竟不安師旅在外師古曰竟賦歛轉

輸元元騷動窮困亡聊犯法抵罪夫上失其道而繩

下以深刑朕甚痛之其赦天下所貸貧民勿收責三

月行幸雍祠五時夏六月甲戌孝宣園東闕災戊寅

晦日有蝕之詔曰蓋聞明王在上忠賢布職則羣生

和樂方外蒙澤今朕掩于王道夙夜憂勞不通其理

靡瞻不眩靡聽不惑眩音胡是以政令多還民心未

凌雅隆曰上失其道四句與前詔德不能覆四句意同

茅坤曰漢時亦貸貧民勿收責此即周禮張惠

得。李奇曰邪說空進事亡成功此天下所著聞也公

卿大夫好惡不同。或緣姦作邪。侵削細民。元元安所

歸命哉。廼六月晦日有蝕之。詩不云乎。今此下民亦

孔之哀。師古曰小雅十月之交之詩也孔甚也自今以來公卿大夫其

勉思天戒。慎身修永。以輔朕之不逮。師古曰虞書咎

修思永言當慎修其身思為長直言盡意。無有所諱。

九月戊子罷衛思后園及戾園。服虔曰戾太子秋也冬十月乙

丑罷祖宗廟在郡國者。諸陵總屬三輔。師古曰先是

常今各依其地界屬三輔以渭城壽陵亭部原上為初陵。服虔曰

置陵木有名也故曰初詔曰安上重遷黎民之性骨肉相附人

情所願也。頃者有司緣臣子之義。奏徙郡國民以奉

園陵。令百姓遠棄先祖墳墓。破業失產。親戚別離。人

懷思慕之心。家有不安之意。是以東垂被虛耗之害。

關中有無聊之民。非久長之策也。詩不云乎。民亦勞

止。迄可小康。惠此中國。以綏四方。師古曰大雅民勞

迄至也康安也言人勞已久至此可今所為初陵者

勿置縣邑。使天下咸安土樂業。亡有動搖之心。布告

天下。令明知之。又罷先后父母奉邑。應劭曰先后為其父母置邑守

凌稚隆曰此紀中凡書宗廟罷寢園宗廟類具詳附

冢以奉祭祀既已久遠又非典制故罷

五年春正月行幸甘泉郊泰時三月上幸河東祠后

土秋頰川水出流殺人民吏從官縣被害者與告臣贊

曰告體假也言凡為吏為從官其本縣有被害者皆與體告士卒遣歸冬上幸長

楊射熊館師古曰射音食亦反布車騎大獵十二月乙酉毀太

上皇孝惠皇帝寢廟園

建昭元年春三月上幸雍祠五時秋八月有白蛾羣

飛蔽日從東都門至枳道如淳曰三輔黃圖長安城東而北頭門號曰宣平城

門其外郭曰東都門也師古曰蛾若今之蠶冬河間

王元有罪廢遷房陵罷孝文太后孝昭太后寢園

二年春正月行幸甘泉郊泰時三月行幸河東祠后

土益三河郡太守秩戶十二萬為大郡夏四月赦天

下六月立皇子興為信都王閏月丁酉太皇太后上

官氏崩冬十一月齊楚地震大雨雪樹折屋壞淮陽

王舅張博魏郡太守京房坐窺道諸侯王以邪意漏

泄省中語師古曰道讀曰導博要斬房棄市

三年夏令三輔都尉大郡都尉秩皆二千石六月甲

辰丞相玄成薨師古曰韋玄成秋使護西域騎都尉甘延壽

王禕曰宋

庠紀年通

謹義取建

上取明之

蠶

漢張博事

具淮陽王

傳中

副校尉陳湯

師古曰言延壽及湯本克西域之使故先言使而後序其官職及姓名

橋

按延壽湯橋制誅郅支詳具本傳

發戊巳校尉屯田吏士及西域胡兵攻郅支單于

古師

曰橋與矯同矯託也實不奉詔詐以上命發兵故言矯發也戊巳校尉者鎮安西域無常治處亦猶甲乙等各有所方而戊與巳四季寄王故以名官也時有戊校尉又有巳校尉一說戊巳位在中央今所置校尉處三十六國之中故曰戊巳也郵音質冬斬其首傳詣京師縣蠻夷邸門師古曰縣古懸字也蠻夷邸若今鴻臚客館

四年春正月以誅郅支單于告祠郊廟赦天下羣臣

上壽置酒以其圖書示後宮貴人

服虔曰討郅支之圖書也夏四

月詔曰朕承先帝之休烈夙夜栗栗懼不克任間者

陰陽不調五行失序百姓饑饉惟烝庶之失業臨遣

諫大夫博士賞等二十一人循行天下存問耆老鰥

寡孤獨乏困失業之人舉茂材特立之士相將九卿

其帥意毋怠使朕獲觀教化之流焉六月甲申中山

王竟薨藍田地沙石雍霸水安陵岸崩雍涇水水逆

流

孟康曰安陵岸惠帝陵旁涇水岸也師古曰雍讀曰雍

五年春三月詔曰蓋聞明王之治國也明好惡而定

去就崇敬讓而民興行故法設而民不犯令施而民

從今朕獲保宗廟兢兢業業匪敢懈怠

解讀曰懈德薄明

說夫禮其矣其事說殺更臣詳著之

掩教化淺微掩讀與暗同傳不云虐百姓有過在予一人

其赦天下賜民爵一級女子百戶牛酒三老孝弟力

田帛又曰方春農桑興百姓戮力自盡之時也故是

月勞農勸民無使後時師古曰勞音來到反今不良之吏覆案

小罪師古曰覆音方月反徵召證案典不急之事以妨百姓使

失一時之作亡終歲之功公卿其明察申救之師古曰申

重也一日約束之耳夏六月庚申復戾園壬申晦日有蝕之秋

七月庚子復太上皇寢廟園原廟昭靈后武哀王昭

哀后衛思后園文穎曰高祖已自有廟在長安城中惠帝更於渭北作廟謂之原廟師古

曰昭靈后高祖母也武哀王高祖兄也昭哀后高祖姊也衛思后戾太子母也

竟寧元年師古曰竟者終極之言言永安寧也春正月匈奴虐韓邪單

于來朝詔曰匈奴邳支單于背叛禮義既伏其辜序

韓邪單于不忘恩德鄉慕禮義復修朝賀之禮願係

塞傳之無窮邊垂長無兵革之事其改元為竟寧賜

單于待詔掖庭王檣為闕氏應劭曰郡國獻女未御見須命於掖庭故曰待

詔王檣王氏女名檣字昭君蘇林曰闕氏音焉支如漢皇后也師古曰梯音姊皇太子冠賜

列侯嗣子爵五大夫師古曰第九爵天下為父後者爵一級

二月御史大夫延壽卒師古曰即繁延壽也三月癸未復孝惠

凌稚隆曰

甘陳功罪

漢文不決

至是已封

侯矣葬節

奪之而追

其既沒始

復其子若

孫即此一

節贊所謂

優游不斷

非即詳具

本傳

鄭樵曰元

成二贊朝

紀所聞不

立奏既獨

得馬遷之

樂道曰四

不賞優柔

不斷之朝

無所規救

致班史特

顯而善之

皇帝寢廟園孝文太后孝昭太后寢園夏封騎都尉

甘延壽為列侯賜副校尉陳湯爵關內侯黃金百斤

五月壬辰帝崩于未央宮臣瓚曰帝年二十七即位

毀太上皇孝惠孝景皇帝廟罷孝文孝昭太后昭靈

后武哀王昭哀后寢園秋七月丙戌葬渭陵臣瓚曰

長安北五渭陵在

贊曰臣外祖兄弟為元帝侍中應劭曰元成帝紀皆

彪自說也外語臣曰元帝多材藝善史書應劭曰周

祖金敞也史籀所鼓琴瑟吹洞簫如淳曰簫白度曲被歌聲應

聲也師古曰度音大各反被音皮義反分判節度昭

日判切也謂能分切句絕窮極幼眇日要眇少而好

為之節制也判音千本反窮極幼眇日要眇少而好

儒及即位徵用儒生委之以政貢薛韋匡迭為宰相

師古曰貢禹薛廣德韋而上牽制文義優游不斷孝

賢匡衡迭互而為丞相而上牽制文義優游不斷孝

宣之業衰焉然寬弘盡下出於恭儉號令溫雅有古

之風烈

陳仁子曰元帝天資本善心術本正其咎在不辨

忘邪而不在遵守恭儉恭顯之邪而不能去望之

更生之忠而不能保故雖減宮室去珍奇僅不至

于亡而已終不足以致太平之治

李德裕曰桀紂殺一龍逢比干而天下之惡歸焉

又甚焉。王業既衰。至成哀陵替纒三世。而王莽篡奪。宣帝稱亂吾家者太子也。信哉。秦觀曰。漢之制度不合。下六藝之文者多矣。彼元成等徒知靈廟園寢便殿祭祀之為過。而不知神仙長年合歡。增成飛廉象欲之為過也。知廟在郡國。月遊衣冠之為非。而不知千門萬戶之宮神明。通天之臺。離宮別館。自有餘區之為非也。宮室宴享。非禮則置。而不議宗廟祭祀。非禮則議。而後之漢之祖宗神靈。若存能不發怒于子孫乎。元帝疾疾而夢祖宗譴責也。以此。

漢書帝紀卷十

成帝紀

孝成皇帝

荀悅曰諱鶯字太孫鶯之字曰俊應劭曰諱法安民立政曰成師古曰鶯音五到反

元帝太子也。母曰王皇后。元帝在太子宮。生甲觀畫

堂。

師古曰甲者甲乙之次也。元后傳言見於丙殿。此其例也。畫堂謂畫飾耳。為世嫡皇孫。

宣帝愛之。字曰太孫。常置左右。年三歲而宣帝崩。元

帝即位。帝為太子。壯好經書。寬博謹慎。初居桂宮。

日三輔黃圖桂宮在城中近北宮非太子宮上嘗急召太子出龍樓門。

日門樓上有銅龍若白鶴飛廉之為名也不敢絕馳道。應劭曰馳道天子所行道也若今之

中道師古曰西至直城門晉灼曰黃圖西出南頭第二門也得絕乃

後漢字通上急字相顧

度還入作室門上遲之問其故以狀對上大說說讀日悅

乃著令令太子得絕馳道云師古曰言云者此舉著令之文其後幸

酒樂燕樂晉灼曰幸酒好酒也燕樂燕私之樂也上不以為能而定陶

後史丹輔助太子詳且未傳

恭王有材甄母傳昭儀又愛幸上以故常有意欲以

按先帝九愛太子應前宣帝愛之句

先帝尤愛太子故得無廢竟寧元年五月元帝崩六

月己未太子即皇帝位謁高廟尊皇太后曰太皇太

后皇后曰皇太后以元舅侍中衛尉陽平侯王鳳為

愛惟隆曰以下歷紀災異蓋漢至元成中衰之漸故妖孽之屢現如此

大司馬大將軍領尚書事乙未有司言乘輿車牛馬

禽獸皆非禮不宜以葬奏可七月大赦天下

建始元年春正月乙丑皇曾祖悼考廟災文穎曰宣帝父火皇

立故河間王弟上郡庫令良為王如淳曰漢官北邊郡庫官之兵

器所藏故置令有星孛于營室罷上林詔獄師古曰漢舊儀云上林詔獄主

治苑中禽獸宮館事屬水衡二月右將軍長史姚尹等使匈奴還

去塞百餘里暴風火發燒殺尹等七人賜諸侯王丞

相將軍列侯王太后公主王主吏二千石黃金張晏曰天

子女曰公主秩比公也王主王之女也師宗室諸官

吏千石以下至二百石及宗室子有屬籍者三老孝

弟力田鰥寡孤獨錢帛各有差吏民五十戶牛酒詔

曰廼者火災降於祖廟有星孛于東方始正而虧如

日言始即帝之正咎孰大焉書云惟先假王正厥事

而有彗星之屬也師古曰商書高宗彤日載武丁之臣祖乙之辭也假

至也言先古至道之君遭遇災變則正其行事修德

以應羣公孜孜帥先百寮輔朕不逮崇寬大長和睦

凡事恕已毋行苛刻其大赦天下使得自新封舅諸

吏光祿大夫關內侯王崇為安成侯應劭曰百官表

劾職如御史中丞武帝初置皆兼官所賜舅王譚商

立根逢時爵關內侯夏四月黃霧四塞博問公卿大

夫無有所諱六月有青蠅無萬數師古曰言其極多

而不可得故集未央宮殿中朝者坐服虔曰公卿以

音才秋罷上林宮館希御幸者二十五所八月有雨

月相承晨見東方服虔曰相承九月戊子流星光燭

地長四五丈委曲蛇形貫紫宮十二月作長安南北

郊罷甘泉汾陰祠是日大風拔甘泉時中大木十韋

以上師古曰韋郡國被災什四以上毋收田租師古

四謂田畝所收十損其四

象
莫非曰識
入得意之

二年春正月罷雍五時辛巳上始郊祀長安南郊詔

曰迺者徙泰時后土于南郊北郊朕親飭躬郊祀上

帝皇天報應神光竝見三輔長無共張繇役之勞師

曰共音居用反張音竹亮救奉郊縣長安長陵應劭曰天

反謂供具張設他皆類此及中都官耐

罪徒師古曰中都官減天下賦錢算四十孟康曰本

今減四十閏月以渭城延陵亭部為初陵二月詔三

輔內郡舉賢良方正各一人師古曰內郡三月北宮

井水溢出辛丑上始祠后土于北郊丙午立皇后許

氏師古曰罷六廐技巧官師古曰謂巧藝之技夏大

旱東平王宇有罪削樊亢父縣師古曰樊及亢父東

父音甫秋罷太子博望苑文穎曰武帝為衛太子以賜

宗室朝請者師古曰請減乘輿廐馬

三年春三月赦天下徒賜孝弟力田爵二級諸逋租

賦所振貸勿收秋關內大水七月虜上小女陳持弓

聞大水至走入橫城門闌入尚方掖門服虔曰虜音

上地名在渭水邊陳姓也持弓名也無符至未央宮

鉤盾中吏民驚上城九月詔曰迺者郡國被水災流

鍾人傑曰
闌入掖門
夕小女子
事黃奇駭

殺人民多至千數京師無故訛言大水至師古曰吏訛偽言

民驚恐奔走乘城師古曰乘登也殆苛暴深刻之吏未息元

元寃失職者衆遣諫大夫林等循行天下冬十二月

戊申朔日有蝕之夜地震未央宮殿中詔曰蓋聞天

生衆民不能相治爲之立君以統理之君道得則草

木昆蟲咸得其所師古曰昆衆也人君不德謫見天地災異

婁發以告不治朕涉道日寡舉錯不中乃戊申日蝕

地震朕甚懼焉公卿其各思朕過失明明白陳之女無

面從退有後言師古曰虞書益稷之篇丞相御史與將軍列侯

中二千石及內郡國舉賢良方正能直言極諫之士

詣公車朕將覽焉越雋山崩

四年春罷中書宦官臣贊曰漢初中人有中謁者令考武加中謁者令爲中書謁者

令置僕射初置尚書員五人師古曰成帝置五人夏四月

雨雪師古曰雨音于具反五月中謁者丞陳臨殺司隸校尉轅

豐於殿中應劭曰豐爲長安令治有能名擢拜司隸校尉臨素與豐有怨見其尊顯畏爲已害

拜訖未出使人刺殺秋桃李實大水河決東郡金隄師古曰金隄者河隄

冬十月御史大夫尹忠以河決不憂職自殺

河平元年春三月詔曰河決東郡流漂二州師古曰兗州豫

漢書紀事本末

凌雜隆曰
合兩詔而
並觀之有
君臣各
任其責之
意

劉子暉曰
以此知成
帝之時紀
綱不肅甚
矣殺人
忌曰賊况
近在宮掖
即國柄移
于王氏不
足怪也

州之校尉王延世隄塞輒平其改元為河平賜天下

吏民爵各有差夏四月己亥晦日有蝕之既詔曰朕

獲係宗廟戰戰栗栗未能奉稱師古曰謂不副先帝之業傳曰男

教不修陽事不得則日為之蝕天著厥異幸在朕躬

公卿大夫其勉悉心以輔不逮百寮各修其職惇任

仁人退遠殘賊師古曰惇厚也遠離也遠音于萬反陳朕過失無有所

諱大赦天下六月罷典屬國并大鴻臚秋九月復太

上皇寢廟園

二年春正月沛郡鐵官冶鐵飛語在五行志夏六月

封舅譚商立根逢時皆為列侯

三年春二月丙戌犍為地震山崩師古曰犍音其雍言反又其連反

江水水逆流師古曰雍音纏其下皆同秋八月乙卯晦日有蝕之

光祿大夫劉向校中祕書師古曰言中以別外謁者陳農使使

求遺書於天下上使音所吏反下使讀如本字

四年春正月匈奴單于來朝赦天下徒賜孝弟力田

爵二級諸逋租賦所振貸勿收二月單于罷歸國三

月癸丑朔日有蝕之遣光祿大夫博士嘉等十一人

行舉瀕河之郡師古曰巡行而舉其狀也瀕水厓也顏音頻水所毀傷困

乏不能自存者財振貸師古曰財與裁同謂其為水

所流壓死不能自葬令郡國給槨槨音衛積葬埋師古曰槨積謂小棺

之文穎曰冗散也散廩食使生活不古者謹遇以文

理無令失職師古曰勿使失其常理舉惇厚有行能直言之士

壬申長陵臨涇岸崩雍涇水夏六月庚戌楚王囂薨

山陽火生石中改元為陽朔

陽朔元年師古曰朔始也以火春二月丁未晦日有

蝕之三月赦天下徒冬京兆尹王章有罪下獄歿

二年春寒詔曰昔在帝堯立羲和之官尚書堯典曰

氏和氏世掌天地之官命以四時之事令不失其序故書云黎

民於蕃時雍應劭曰黎衆也時是也雍和也言衆民於是變化用是大和也師古曰此虞書

堯典之明以陰陽為本也今公卿大夫或不信陰陽

薄而小之師古曰謂為輕小之事也所奏請多違時政李奇曰時政月令也

傳以不知周行天下師古曰言遞相因循以所不知之事施設教命周徧天下

欲望陰陽和調豈不謬哉其務順四時月令三月大

赦天下夏五月除吏八百石五百石秩李奇曰除八百就六百除

四百就秋關東大水流民欲入函谷天井壺口五阮

漢書帝紀

樓王章以
刻鳳得罪
詳具元后

堯典之
天地之和
而陰陽失
帝帝乃答
公卿大夫
之奏請也
矣

關者勿苛留

師古曰苛細刻也阮音其遠反苛音何

遣諫大夫博士分

行視八月甲申定陶王康薨九月奉使者不稱詔曰

古之立太學將以傳先王之業流化於天下也儒林

之官四海淵原宜皆明於古今溫故知新通達國體

故謂之博士否則學者無述焉為下所輕非所以尊

道德也工欲善其事必先利其器丞相御史其與中

二千石二千石雜舉可克博士位者使卓然可觀是

歲御史大夫張忠卒

師古曰史不記其月故書之於歲末其下王駿亦同

三年春三月壬戌隕石東郡八夏六月潁川鐵官徒

申屠聖等百八十人殺長吏盜庫兵自稱將軍經歷

九郡遣丞相長史御史中丞逐捕以軍典從事皆伏

辜

師古曰逐捕之事須有發興皆依軍法

秋八月丁巳大司馬大將軍

王鳳薨

四年春正月詔曰夫洪範八政以食為首

師古曰洪範尚書篇

名洪大也範法也八政一曰食蓋王政之所先故以為首

斯誠家給刑錯之本也

師古曰言倉廩充盈則家家自足人不犯禁無所用刑也

先帝勸農

晉灼曰勸薄

其租稅寵其強力

師古曰謂優寵力田之人

令與孝弟同科

師古曰謂

凌雅隆曰孝弟力行者而與力田同科蓋

每同薦舉間者民彌惰怠鄉本者少趨末者衆將何

洪範首食之意

以矯之

矯正也

方東作時

師古曰春位在東耕者始作故曰東作

其令二

千石勉勸農桑出入阡陌致勞來之

師古曰阡陌田間道也勞來勸

勉之書不云乎服田力耜乃亦有秋

應劭曰農夫服田厲其耨力乃

有秋收也此商書盤庚之辭

其勛之哉二月赦天下秋九月壬申

東平王宇薨閏月壬戌御史大夫于承卒

師古曰于定國子

鴻嘉元年春二月詔曰朕承天地獲保宗廟明有所

蔽德不能綏刑罰不中衆寃失職趨闕告訴者不絕

是以陰陽錯謬寒暑失序日月不光百姓蒙辜朕甚

閔焉

蒙被也

書不云乎即我御事罔克耆壽咎在厥躬

文穎曰此尚書文侯之命篇中辭也

方春生長時臨遣諫大夫理等

曰天子自臨勅而遣

舉三輔三河弘農寃獄公卿大夫部刺史

明申敕守相稱朕意焉其賜天下民爵一級女子百

戶牛酒加賜鰥寡孤獨高年帛逋貸未入者勿收壬

午行幸初陵赦作徒

師古曰徒人之在陵作役者

以新豐戲鄉為

昌陵縣

師古曰戲水之鄉也音許宜反

奉初陵賜百戶牛酒上始為

微行出

張晏曰於後門出從期門郎及私奴客十餘人白衣組纒軍騎出入市里不復警蹕若微

賤之所為故曰微行冬黃龍見真定

師古曰本趙國

二年春行幸雲陽三月博士行飲酒禮有雉蜚集于

漢書紀

卷一

七

庭歷階升堂而雘

師古曰蜚古飛字也。後集諸府又歷階謂以次而登也。

集承明殿

在未央宮中

詔曰古之選賢傳納以言明試以

功

師古曰傳讀曰敷令其陳言而省納之乃試以事也。

故官無廢事下無逸民

逸遁也

教化流行風雨和時百穀用成衆庶樂業咸以

康寧朕承鴻業十有餘年數遭水旱疾疫之災黎民

婁困於饑寒而望禮義之興豈不難哉朕既無以率

道

師古曰道讀曰導

帝王之道日以陵夷

師古曰陵丘陵也夷平也言其頹替

若丘陵之漸平也

意迺招賢選士之路鬱滯而不通與將舉

者未得其人也其舉敦厚有行義能直言者冀聞切

言嘉謀匡朕之不逮夏徙郡國豪桀貲五百萬以上

五千戶于昌陵賜丞相御史將軍列侯公主中二千

石冢地第宅

師古曰並於昌陵賜之

六月立中山憲王孫雲客

為廣德王

三年夏四月赦天下令吏民得買爵賈級千錢

師古曰賈

讀曰價

大旱秋八月乙卯孝景廟闕災冬十一月甲寅

皇后許氏廢廣漢男子鄭躬等六十餘人攻官寺篡

囚徒

師古曰逆取曰篡

盜庫兵自稱山君

四年春正月詔曰數赦有司務行寬大而禁苛暴訖

今不改一人有辜舉宗拘繫農民失業怨恨者眾傷

害和氣水旱為災關東流冗者眾師古曰冗散失其事業也青幽

冀部尤劇朕甚痛焉未聞在位有惻然者孰當助朕

憂之已遣使者循行郡國被災害什四以上民貲不

滿三萬勿出租賦逋貸未入皆勿收流民欲入關輒

籍內師古曰錄其民籍而內之所之郡國謹遇以理之往務有以

全活之思稱朕意秋渤海清河河溢被災者振貸之

冬廣漢鄭躬等黨與浸廣師古曰浸占侵字浸漸也犯歷四縣眾

且萬人拜河東都尉趙護為廣漢太守發郡中及蜀

郡合三萬人擊之或相捕斬除罪師古曰賊黨相捕斬而來者赦其本

罪罪旬月平遷護為執金吾賜黃金百斤

永始元年春正月癸丑太官凌室火師古曰藏冰之室戊午

戾后園闕火夏四月封婕妤趙氏父臨為成陽侯五

月封舅曼子侍中騎都尉光祿大夫王莽為新都侯

六月丙寅立皇后趙氏師古曰趙飛燕也即上所謂婕妤趙氏大赦天

下秋七月詔曰朕執德不固謀不盡下師古曰言不博謀於君下

過聽將作大匠萬年師古曰過誤也萬年解萬年也言昌陵三年可

成作治五年中陵司馬殿門內尚未加功臣墳曰天子之藏曠

按趙氏
后詳具外
戚傳

中無司馬殿門也。此謂陵上寢殿及司馬門也。時皆未作之。故曰尚未加功。天下虛耗。百姓罷勞。客土疏惡。

服虔曰取他處土以增高為客土也。終不可成。朕惟其難。怛然傷心。

惟思也。夫過而不改。是謂過矣。其罷昌陵及故陵。勿徙吏民。令天下毋有動搖之心。立城陽

按劉向疏罷昌陵詳其本傳

孝王子俚為王。俚音里。八月丁丑。太皇太后王氏崩。

師古曰。宣帝王皇后也。二年春正月己丑。大司馬車騎將軍王音薨。二月癸

未。夜星隕如雨。乙酉晦。日有蝕之。詔曰。乃者龍見于

東萊。日有蝕之。天著變異。以顯朕郵。師古曰。郵與朕

甚懼。馬公卿申救。百寮深思。天誠有可省減。便安百

姓者。條奏所振貸貧民。勿收。又曰。關東比歲不登。

師古曰。日比。吏民以義收食貧民。入穀物助縣官振贍者。已

頻也。賜直。師古曰。收食貧人謂收取而養食之。助縣官振贍謂出物以助郡縣之官也。已賜直謂官賜其

所費直也。今方更加罰。及免賦耳。食讀曰飮。其百萬以上。加賜爵右更。

師古曰。日第十四。爵也。欲為吏。補三百石。其吏也。遷二等。

師古曰。更音丁。行反。日先已為吏。三十萬以上。賜爵五大夫。

師古曰。則遷二等。亦遷二等。民補郎。十萬以上。家無出租賦。三歲萬鐘

以上。一年冬十一月行幸雍。祠五時。十二月詔曰。首

漢書帝紀

將作大匠萬年知昌陵卑下不可為萬歲居奏請營

作建置郭邑安為巧詐積土增高多賦歛繇役興卒

暴之作卒讀曰猝謂急也卒徒蒙辜死者連屬師古曰屬音之欲反百

姓罷極天下匱竭常侍閔前為大司農中丞數奏昌

陵不可成閔王閔也侍中衛尉長數白宜早止徙家反故

處長淳于長也朕以長言下閔章如淳曰以衛尉長數自罷故因下閔請奏罷作

之章下音胡稼反公卿議者皆合長計首建至策閔典主省

大費師古曰司農中丞主錢穀顧庸故云典主民以康寧閔前賜爵關內

侯黃金百斤其賜長爵關內侯食邑千戶閔五百戶

萬年佞邪不忠毒流衆庶海內怨望至今不息雖蒙

赦令不宜居京師其徙萬年敦煌郡是歲御史大夫

王駿卒師古曰王吉之子也

三年春正月己卯晦日有蝕之詔曰天災仍重朕甚

懼焉惟民之失職失其常業也臨遣大中大夫嘉等循行

天下存問耆老民所疾苦其與部刺史舉惇樸遜讓

有行義者各一人冬十月庚辰皇太后詔有司復甘

泉泰畤汾陰后土雍五畤陳倉陳寶祠師古曰陳寶祠在陳倉

語在郊祀志十一月尉氏男子樊竝等十三人謀反

尉氏陳畱之縣殺陳留太守劫略吏民自稱將軍徒李譚等

五人共格殺竝等皆封為列侯十二月山陽鐵官徒

蘇令等二百二十八人攻殺長吏盜庫兵自稱將軍

經歷郡國十九殺東郡太守汝南都尉遣丞相長史

御史中丞持節督趣逐捕趣讀日促汝南太守嚴所捕斬

令等訖與欣同遷訖為大司農賜黃金百斤

四年春正月行幸甘泉郊泰時神光降集紫殿大赦

天下賜雲陽吏民爵女子百戶牛酒鰥寡孤獨高年

帛三月行幸河東祠后土賜吏民如雲陽行所過無

出田租夏四月癸未長樂臨華殿未央宮東司馬門

皆災師古曰東而之司馬門也六月甲午霸陵園門闕災出杜陵

諸未嘗御者歸家詔曰廼者地震京師火災婁降朕

甚懼之有司其悉心明對厥咎朕將親覽焉又曰聖

王明禮制以序尊卑異車服以章有德雖有其財而

無其尊不得踰制故民興行上義而下利師古曰以義為上以

利為下方今世俗奢僭罔極靡有厭足公卿列侯親屬

近臣四方所則未聞修身遵禮同心憂國者也或廼

奢侈逸豫務廣第宅治園池多畜奴婢被服綺縠設

鍾人傑曰
漢世猶聞
此語
喻謂今日
何所底止
也哉

鐘鼓備女樂車服嫁娶葬埋過制吏民慕效浸以成俗而欲望百姓儉節家給人足豈不難哉詩不云乎

赫赫師尹民具爾瞻

師古曰小雅節南山之詩也

其申救有司以

漸禁之青綠民所常服且勿止

師古曰然則禁紅紫之屬

列侯近

臣各自省改

師古曰省視也視而改之

司隸校尉察不變者秋七

月辛未晦日有蝕之

元延元年春正月己亥朔日有蝕之三月行幸雍祠

五時夏四月丁酉無雲有雷聲光耀耀四面下至地

昏止赦天下秋七月有星孛于東井詔曰廼者日蝕

星隕謫見于天大異重乃在位默然罕有忠言今孛

星見于東井朕甚懼焉公卿大夫博士議郎其各悉

心惟思變意明以經對無有所諱與內郡國舉方正

能直言極諫者各一人

師古曰令公卿與內郡國各舉一人

北邊二十

二郡舉勇猛知兵法者各一人封蕭相國後喜為鄼

侯冬十二月辛亥大司馬大將軍王商薨是歲昭儀

趙氏害後宮皇子

師古曰趙飛燕之妹

二年春正月行幸甘泉郊泰畤三月行幸河東祠后

土夏四月立廣陵孝王子守為王冬行幸長楊宮從

王禕曰宋
厚純年通
譜義取元
作而更為
延始

漢書昭儀
趙氏子詳
其外傳

胡客大校獵

師古曰此校謂以木自相貫穿為闌校耳校人職云六廐成校是則以遮闌為

義也校獵者大為闌校以遮禽獸而獵取也宿賁陽軍之幡旗雖有校名本因部校此無豫也

宮賁音倍賜從官

三年春正月丙寅蜀郡岷山崩

師古曰岷音武巾反雍江三日

江水竭二月封侍中衛尉淳于長為定陵侯三月行

幸雍祠五時

四年春正月行幸甘泉郊泰畤二月罷司隸校尉官

三月行幸河東祠后土甘露降京師賜長安民牛酒

綏和元年春正月大赦天下二月癸丑詔曰朕承太

祖鴻業奉宗廟二十五年德不能綏理宇內百姓總

望者眾不蒙天祐至今未有繼嗣天下無所繫心觀

于往古近事之戒禍亂之萌皆由斯焉師古曰始定

陶王欣於朕為子慈仁孝順可以承天序繼祭祀其

立欣為皇太子封中山王舅諫大夫馮參為宜鄉侯

益中山國三萬戶以慰其意師古曰以不得繼統為帝之後恐其怨恨賜

諸侯王列侯金天下當為父後者爵三老孝弟力田

帛各有差又曰蓋聞王者必存二王之後所以通三

統也師古曰天地人是為三統二王之後并已為三昔成湯受命列為三代

以冠元

王壽曰宋

王壽曰通

師古曰夏殷而祭祀廢絕考求其後莫正孔吉臣瓚曰無

凌雅隆言若孔吉最正也

封吉以繼

休侯皆為公地各百里行幸雍祠五時夏四月以大司馬驃騎大將軍為大司馬文穎曰罷將軍官御史

大夫為大司空封為列侯益大司馬大司空奉如丞

相如淳曰律丞相大司馬大將軍奉錢月六萬御史大夫奉月四萬也秋八月庚戌中

山王興薨冬十一月立楚孝王孫景為定陶王定陵

侯淳于長大逆不道下獄死廷尉孔光使持節賜貴

人許氏藥飲藥死師古曰卽前所廢皇后許氏也十二月罷部刺史

更置州牧秋二千石

二年春正月行幸甘泉郊泰畤二月壬子丞相翟方

進薨三月行幸河東祠后土丙戌帝崩于未央宮臣瓚

曰帝年二十卽位卽位二十六年壽四十五皇太后詔

有司復長安南北郊四月己卯葬延陵臣瓚曰延陵在扶風去長

安六十

贊曰臣之姑克後宮為婕妤晉灼曰班彪之姑也父子兄弟侍

帷幄數為臣言成帝善修容儀升車正立不內顧不

疾言不親指臨朝淵嘿尊嚴若神可謂穆穆天子之

師古說非

容者矣。博覽古今。容受直辭。公卿稱職。奏議可述。

古師

日稱職克當其任遭世承平。上下和睦。然湛于酒色。

也。可述言有文采湛讀趙氏亂內。外家擅朝。言之可為於邑。

師古曰於邑短氣貌

讀如本字於又音烏邑又音烏合反建始以來。王氏始執國命。哀平短

祚。莽遂篡位。蓋其威福所由來者漸矣。

陳仁于曰成帝天資本善。如勇于去恭顯。罷諸祠

督賦租。皆可語治。至于昌陵一節。惟曰因劉向之

言而勇于改過。亦世所難及。惜乎溺意女色。委政

外家。以貽國家之禍。小節雖善。而大體未出于善。

君子少之。劉子翬曰成帝惑于昭儀。自殺其子。哀帝惑于董

賢而欲遂以位。人君一有所惑。舉其甚重而不顧
愚矣哉。衣袒幘。日稱富平侯。家云云。由斯而言。則成帝外
餘威重。而內肆輕薄。人君之望。不其缺然。觀孟堅
紀所言。前後自相矛盾者矣。

漢書帝紀卷十二

哀帝紀

孝哀皇帝

荀悅曰諱欣之字曰喜應劭曰恭仁短折曰哀

元帝庶孫定陶恭

王子也母曰丁姬年三歲嗣立為王長好文辭法律

元延四年入朝盡從傅相中尉

師古曰三官皆從王入朝

時成帝

少弟中山孝王亦來朝獨從傅上怪之以問定陶王

對曰令諸侯王朝得從其國二千石傅相中尉皆國

二千石故盡從之上令誦詩通習能說

師古曰說其義他日

問中山王獨從傅在何法令不能對令誦尚書又廢

抄定陶王以令對從好法律來

鍾人傑曰舉為兩王

眉目儼然師古曰及賜食於前後飽起下鞮繫解師古曰食而獨在後飽及

可謂筆中起又鞮係解也成帝由此以為不能而賢定陶王數

稱其材時王祖母傳太后隨王來朝私賂遺上所幸

趙昭儀及帝舅驃騎將軍曲陽侯王根昭儀及根見

上亡子亦欲豫自結為長久計皆更稱定陶王勸帝

以為嗣更音工成帝亦自美其材為加元服而遣之

師古曰時年十七矣明年使執金吾任宏守太鴻臚

持節徵定陶王立為皇太子謝曰臣幸得繼父守藩

為諸侯王材質不足以假克太子之宮師古曰謙不

故云假克陛下聖德寬仁敬承祖宗奉順神祇宜蒙

福祐子孫千億之報師古曰大雅臣願且得留國邸

旦夕奉問起居俟有聖嗣歸國守藩書奏天子報聞

後月餘立楚孝王孫景為定陶王奉恭王祀所以獎

厲太子專為後之誼師古曰獎語在外戚傳綏和二

年三月成帝崩四月丙午太子即皇帝位謁高廟尊

皇太后曰太皇太后皇后曰皇太后大赦天下賜宗

室王子有屬者馬各一駟師古曰有屬謂親吏民爵

百戶牛酒三老孝弟力田鰥寡孤獨帛太皇太后詔

漢書曰公

尊定陶恭王為恭皇五月丙戌立皇后傅氏

師古曰傅晏女

公威公事

詔曰春秋母以子貴尊定陶太后曰恭皇太后丁姬

有母以子

曰恭皇后各置左右詹事食邑如長信宮中宮

應劭曰成

貴之語後

世援以為帝母王太后居長信宮李奇曰傅姬如

追尊傅父為

說致以妾

崇祖侯丁父為褒德侯

師古曰傅父傅太后之父

封舅

為后妃如

丁明為陽安侯舅子滿為平周侯追諡滿父忠為平

漢哀帝尊

周懷侯皇后父晏為孔鄉侯皇太后弟侍中光祿大

傳昭儀為

夫趙欽為新成侯六月詔曰鄭聲淫而亂樂

師古曰鄭國有

皇太后者

不可勝數漆洧之水男女亟於其

聖王所放其罷樂府曲陽侯

穆前以大司馬建社稷策益封二千戶

師古曰王根也建議立哀

帝為太子

太僕安陽侯舜輔導有舊恩益封五百戶

王及

丞相孔光大司空汜鄉侯何武益封各千戶

汜音詔

曰河間王良喪太后三年為宗室儀表

師古曰言為禮儀之表率

益封萬戶又曰制節謹度以防奢淫為政所先百王

不易之道也諸侯王列侯公主吏二千石及豪富民

多畜奴婢田宅亡限與民爭利百姓失職重困不足

師古曰重音直用反

其議限列

師古曰令條列而為限禁

有司條奏諸王列

侯得名田國中列侯在長安及公主名田縣道關內

茅坤曰頁馬初議

侯吏民名田皆無得過三十頃。如淳曰名田國中者自其所食國中者也既

收其租稅又自得私田三十頃名田縣道者令甲諸侯在國名田他縣罰金二兩今列侯有不之國者

雖遙食其國租稅復自得田於他縣道公主亦如之不得過三十頃諸侯王奴婢二百

人列侯公主百人關內侯吏民三十人年六十以上

十歲以下不在數中賈人皆不得名田為吏。如淳曰市井子

孫不得為吏見食貨志犯者以律論諸名田畜奴婢過品皆沒

入縣官齊三服官諸官織綺繡難成害女紅之物皆

止無作輸。師古曰謂未成者不作已成者不輸耳除任子令及誹謗詆

欺法。應劭曰任子令者漢儀注吏二千石以上視事滿三年得任同產若子一人為郎不以德選故

除之詆誣也音丁禮反掖庭宮人年三十以下出嫁之官奴婢

五十以上免為庶人禁郡國無得獻名獸益吏三百

石以下奉。師古曰奉音扶用反察吏殘賊酷虐者以時退有司

無得舉赦前往事博士弟子父母歿予寧三年。師古曰寧

謂處家持喪服秋曲陽侯王根成都侯王況皆有罪根就國

況免為庶人歸故郡詔曰朕承宗廟之重戰戰兢兢

懼失天心間者日月亡光五星失行郡國比比地動

師古曰比比猶言頻頻也廼者河南潁川郡水出流殺人民壞敗

廬舍朕之不德民反蒙辜朕甚懼焉已遣光祿大夫

凌相隆曰連下皆宜

此時尚未以三年為通喪也而僅行十轉士弟子耳

循行舉籍

師古曰舉其名籍也 行音丁更反

賜歿者棺錢人三千

師古

日賜錢三千以克棺

其令水所傷縣邑及他郡國災害什四以

上民貲不滿十萬皆無出今年租賦

師古曰什四謂什分損國

建平元年春正月赦天下侍中騎都尉新成侯趙欽

成陽侯趙訢皆有罪免為庶人徙遼西

師古曰欽訢皆趙昭儀之

兄太皇太后詔外家王氏田非冢塋皆以賦貧民

師古

日塋冢域也賦給與也 塋音營

二月詔曰蓋聞聖王之治以得賢為

首其與大司馬列侯將軍中二千石州牧守相舉孝

弟悃厚能直言通政事延于側陋可觀民者各一人

三月賜諸侯王公主列侯丞相將軍中二千石中郎

官郎吏金錢帛各有差冬中山孝王太后媛

師古曰馮奉世

之女也 媛音援

弟宜鄉侯馮參有罪皆自殺

二年春三月罷大司空復御史大夫

師古曰復音棟目反此下亦同

夏四月詔曰漢家之制推親親以顯尊尊

師古曰天子之至親

當極尊號

定陶恭皇之號不宜復稱定陶尊恭皇太后曰

帝太后稱永信宮恭皇后曰帝太后稱中安宮立

恭皇廟于京師赦天下徙罷州牧復刺史六月庚申

帝太后丁氏崩上曰朕聞夫婦一體詩云穀則異室

死則同穴師古曰詩國風大車之篇也穀生也穴冢壙也昔季武子成寢杜

氏之殯在西階下請合葬而許之師古曰季武子魯大夫季孫宿也成

寢新為寢室也附葬之禮自周典焉師古曰禮記稱事見禮記檀弓孔子曰合葬非

古也自周公以來未之有改也郁郁乎文哉吾從周孝子事亾如事

存帝太后宜起陵恭皇之園遂葬定陶發陳留濟陰

近郡國五萬人穿復土師古曰為冢壙也復音扶日反待詔夏賀良

等言赤精子之讖應劭曰諸以材技徵召未有正官故曰待詔夏姓也賀良名也高祖

感赤龍而生自謂赤帝之精良等因是作此讖文漢家歷運中衰當再受命

宜改元易號詔曰漢興二百載歷數開元皇天降非

材之佑應劭曰哀帝自言不才天降之佑漢國再獲受命之符朕之

不德曷敢不通夫基事之元命必與天下自新師古曰基

始也元大也始為大事之命謂改制度也又曰更受天之天命其大赦天下以建平

二年為太初元將元年號曰陳聖劉太平皇帝如淳曰陳

舜後王莽陳之後謬語以明莽當篡立而不知韋昭曰敷陳聖劉之德也漏刻以百二十

為度師古曰舊漏晝夜共百刻今增其二十此本齊人甘忠可所造今賀良等重言遂施行之事見

李尋傳七月以渭城西北原上永陵亭部為初陵勿徙

郡國民使得自安八月詔曰待詔夏賀良等建言改

元易號增益漏刻可以永安國家朕過聽賀良等言

宋祁曰子按王莽傳

以讖文解釋太初元

將之意後人不曉西

字為號輒節去元將

二字非是

師古曰冀為海內獲福卒亡嘉應皆違經背古不合

過誤也謂改制易時宜六月甲子制書非赦令也皆蠲除之號令皆復

故也賀良等反道惑眾下有司皆伏辜丞相博御史大

夫玄孔鄉侯晏有罪師古曰博朱博博自殺玄滅死

二等論晏削戶四分之一語在博傳

三年春正月立廣德夷王弟廣漢為廣平王癸卯帝

太太后所居桂宮正殿火三月巳酉丞相當薨師古曰平

當有星孛于河鼓夏六月立魯頃王子郃鄉侯閔為

王蘇林曰郃音魚冬十一月壬子復出泉泰時汾陰

后土祠罷南北郊東平王雲雲后謂安成恭侯夫人

放文穎曰恭侯王皆有罪雲自殺謝放棄市

四年春大旱關東民傳行西王母籌師古曰西王母

行籌又言執國家經歷郡國西入關至京師民又會

聚祠西王母或夜持火上屋李奇曰皆陰擊鼓號呼

相驚恐師古曰呼二月封帝太太后從弟侍中傅商

為汝昌侯太后同母弟子侍中鄭業為陽信侯三月

侍中駙馬都尉董賢光祿大夫息夫躬南陽太守孫

寵皆以告東平王封列侯語在賢傳夏五月賜中二

千石至六百石及天下男子爵六月尊帝太太后為
皇太太后秋八月恭皇園北門災冬詔將軍中二千
石舉明兵法有大慮者

元壽元年春正月辛丑朔日有蝕之詔曰朕獲保宗
廟不明不敏宿夜憂勞未皇寧息師古曰皇暇也惟陰陽不

調元元不贍師古曰贍足也未睹厥咎婁救公卿庶幾有望

陸漢書感字參作或為治婁古屢字至今有司執法未得其中或上暴

虐假執獲名溫良寬柔陷於亡滅是故殘賊彌長和

睦日衰百姓愁怨靡所錯躬師古曰錯置也音干故反迺正月朔

日有蝕之厥咎不遠在余一人公卿大夫其各悉心

勉帥百寮敦任仁人黜遠殘賊師古曰敦厚也遠音于万反期於

安民陳朕之過失無有所諱其與將軍列侯中二千

石舉賢良方正能直言者各一人大赦天下丁巳皇

太太后傅氏崩三月丞相嘉有罪下獄師古曰秋王嘉

九月大司馬驃騎將軍丁明免孝元廟殿門銅龜蛇

鋪首鳴師古曰門之鋪首所以衛環者也鋪音普胡反

元壽二年春正月匈奴單于烏孫大昆彌來朝二月

歸國單于不說師古曰說讀曰悅語在匈奴傳夏四月壬辰

王禕曰哀
帝始以大
司馬居大
司徒之上
自是遂為
故事

晦日有蝕之五月正三公官分職大司馬衛將軍董

賢為大司馬丞相孔光為大司徒御史大夫彭宣為

大司空封長平侯正司直司隸造司寇職師古曰司直司隸漢

舊有之但改正其職掌而司寇舊無今特創置故云造也事未定六月戊午帝崩

于未央宮臣瓚曰帝年二十即位即位六年壽二十

秋九月壬寅葬義陵臣瓚曰自崩至葬凡百五日義陵在扶風去長安四十六里

贊曰孝哀自為藩王及克太子之宮文辭博敏幼有

令聞睹孝成世祿去王室權柄外移是故臨朝婁誅

大臣欲疆主威以則武宣師古曰則法也雅性不好聲色時

寬下射武戲蘇林曰手搏為下角力為武戲也即位

痿痺師古曰痿亦痺病也音人圭反痺音必寐反末年瘧劇師古曰瘧漸也饗國

不永哀哉

王禕曰厚施于民陳氏所以傾齊以私用予貧民

于氏所以傾漢蓋王氏不師陳氏而事偶合者也

哀帝不能明家施不出國之義以裁之豈未察其

姦故邪

世邁曰吉凶禍福之事蓋未嘗不先見其端然固

有知之令之而翻取殺身亡族之害者如夏賀良

以為漢祚中衰當更受命遂有陳聖劉太平皇帝

之事賀良坐不道及王莽篡竊自謂陳後而光武

實應之

凌相隆曰改元之詔雖即旋復然曷不致慎于始

而迺兩月之間詔令如此其不一也予疑讖文必

莽所陰為而令賀良輩上之者則是當時不窮詰

而并誅之而致異日漢祚之不移于讖文也寧復有遺憾哉
蘇轍曰哀帝在國好禮節儉知成帝權奪于王氏及即位收攬威柄朝廷竦然而傳太后僭竊名號復寵任幸臣雖欲貶損王氏而身既失德朝無重臣其若王氏何哉

漢書帝紀卷十二

平帝紀

孝平皇帝

荀悅曰諱衍之字曰樂應劭曰布元帝庶綱治紀曰平師古曰衍音口早反

孫中山孝王子也母曰衛姬年三歲嗣立為王元壽

二年六月哀帝崩太皇太后詔曰大司馬賢年少不

合眾心

師古曰董賢

其上印綬罷賢即日自殺新都侯王

莽為大司馬領尚書事秋七月遣車騎將軍王舜大

鴻臚左咸使持節迎中山王

使音所吏反

辛卯貶皇太后

趙氏為孝成皇后退居北宮哀帝皇后傅氏退居桂

劉劭曰辛

崩六十四

目

宮

師古曰北宮及桂宮皆在城中而非未央宮中也

孔鄉侯傅晏少府董恭

等皆免官爵徙合浦

師古曰恭董賢之父

九月辛酉中山王卬

皇帝位謁高廟大赦天下帝年九歲太皇太后臨朝

又司馬莽秉政百官總已以聽於莽

師古曰聚束曰總音摠

詔

曰夫赦令者將與天下之始誠欲令百姓改行絜已

全其性命也往者有司多舉奏赦前事累增罪過誅

陷亡辜殆非重信慎刑洒心自新之意也

師古曰洒滌也音先

及選舉者其歷職更事有名之士則以為難保

師古

曰更經也難保者言已嘗有罪過不可保也更音工衡反

廢而弗舉甚謬於赦小

過舉賢材之義諸有臧及內惡未發而薦舉者皆勿

案驗

師古曰有臧謂以臧貨致罪

令士厲精鄉進

師古曰鄉讀曰嚮

不以

小疵妨大材自今以來有司無得陳赦前事置奏上

師古曰置立也置奏上謂立文奏而上陳也上音時掌反有不如詔書為虧恩以

不道論定著令布告天下使明知之

元始元年春正月越裳氏重譯獻白雉一黑雉二

師古

曰越裳南方遠國也譯謂傳言也道路絕遠風俗殊隔故累譯而後乃通

詔使三公以薦

宗廟羣臣奏言大司馬莽功德比周公賜號安漢公

及太師孔光等皆益封語在莽傳賜天下民爵一級

劉劭曰辛謂更俸雖

有其名皆不滿其數

平帝即位推恩故賜

令滿秩如二千石者

得兩千石也

吏在位二百石以上一切滿秩如真

師古曰時諸官有試守者特加

非常之恩

立故東平王雲太子開明為王故桃鄉頃

侯子成都為中山王封宣帝耳孫信等三十六人皆

為列侯太僕王憚等二十五人

師古曰憚音於吻反

前議定陶

傅太后尊號守經法不阿指從邪右將軍孫建爪牙

大臣大鴻臚咸前正議不阿

師古曰左咸

從奉節使迎中

山王及宗正劉不惡執金吾任岑中郎將孔永尚書

令姚恂沛郡太守石詡

師古曰岑音士林反恂音荀詡音況羽反

皆以前

與建策車迎即位

師古曰帝本在中山出關而迎故曰東迎與讀曰豫

奉事周

密勤勞賜爵關內侯食邑各有差賜帝徵即位前所

過縣邑吏二千石以下至佐史爵各有差又令諸侯

王公列侯關內侯亡子而有孫若子同產子者皆得

以為嗣

師古曰子同產子者謂養昆弟之子為子者

公列侯嗣子有罪耐

以上先請宗室屬未盡而以罪絕者復其屬

師古曰復音扶

目其為吏舉廉佐史補四百石

師古曰言宗室為吏者皆令舉廉各從本

秩而依廉吏遷之為佐史者例補四百石

天下吏比二千石以上年老致

仕者參分故祿以一與之終其身

師古曰參三也

遣諫大夫

行三輔

師古曰行音下更反

舉籍吏民

張晏曰舉祿賦歛之籍而償之

以元壽

二年倉卒時橫賦歛者償其直師古曰卒讀曰義陵

民冢不妨殿中者勿發師古曰殿中謂天下吏舍亡一本舍作民

得置什器儲待師古曰軍法五人為伍二伍為什則

亦猶今之從軍及作役者十人為火共二月置義和

畜調度也儲積也待具也待音丈紀反應劭曰周禮閭師

官秩二千石外史閭師秩六百石掌四郊之民時其

徵賦班教化禁淫祀放鄭聲乙未義陵寢神衣在柙

也音寢令以急變聞師古曰非常之用太牢祠夏五

月丁巳朔日有蝕之大赦天下公卿將軍中二千石

舉敦厚能直言者各一人六月使少傅左將軍豐古

日甄豐賜帝母中山孝王姬璽書拜為中山孝王后賜

帝舅衛寶寶弟玄爵關內侯賜帝女弟四人號皆曰

君食邑各二千戶封周公後公子相如為褒魯侯孔

子後孔均為褒成侯奉其祀追謚孔子曰褒成宣尼

公罷明光宮及三輔馳道天下女徒已論歸家顧山

錢月三百師古曰謂女徒論罪已定竝放歸家不親

恩者所以行太皇太后復貞婦鄉一人師古曰復音

之德施惠政於婦人方目反鄉一

人取其置少府海丞果丞各一人師古曰海丞主海

尤最者稅也果丞掌諸果

莫書帝紀

實也。大司農部丞十三人。人部一州。勸農桑。太皇太后

省所食湯沐邑十縣。屬大司農。常別計其租入以贍

貧民。秋九月赦天下。徒以中山苦陘縣為中山孝王

后湯沐邑。師古曰陘音形

二年春黃支國獻犀牛。應劭曰黃支在日南之南師古曰犀狀如水牛頭似猪而

四足類象黑色一角當額前鼻上又有小角詔曰皇帝二名通于器物。孟康

曰平帝本名箕子更名曰衍今更名合于古制。師古曰箕用器也故云通于器物

改使太師光奉太牢告祠高廟。夏四月立代孝王玄

孫之子如意為廣宗王。江都易王孫盱台侯宮為廣

川王。師古曰盱音許于反台音怡廣川惠王曾孫倫為廣德王。封

故大司馬博陸侯霍光從父昆弟曾孫陽宣平侯張

敖玄孫慶忌絳侯周勃玄孫共舞陽侯樊噲玄孫之

子章皆為列侯。復爵師古曰共讀曰恭復音扶福反賜汝南周侯酈

商等後玄孫酈明友等百一十三人。爵關內侯食邑

各有差。郡國大旱蝗青州尤甚。民流亡。安漢公四輔

三公卿大夫吏民為百姓困乏。獻其田宅者二百三

十人。張晏曰王莽為太傅孔光為太師王舜為大保甄豐為少傅是為四輔莽復兼大司馬馬宮為

司徒王崇為司空是為三公以賦貧民。師古曰計口而給其田宅遣使者捕

愛種陸王
封錫之
不惟施于
當時之宗
室大臣而
又推及于
元朝之已
絕者而皆
復其食邑
蓋亦自為
回恩地也
以故頌功
德者得若
而人

蝗民捕蝗詣吏以石斗受錢師古曰量蝗多少而賞錢天下民貲

不滿二萬及被災之郡不滿十萬勿租稅民疾疫者

舍空邸第為置醫藥師古曰舍止也賜死者一家六尸以上

葬錢五千四尸以上三千二尸以上二千罷安定呼

淹苑以為安民縣師古曰中山之安定也淹音大河反起官寺市里募

徙貧民縣次給食至徙所賜田宅什器假與犂牛種

食師古曰種音之勇反又起五里於長安城中宅二百區以居

貧民如淳曰民居之里秋舉勇武有節明兵法郡一人詣公

車九月戊申晦日有蝕之赦天下徙使謁者大司馬

掾四十四人持節行邊兵師古曰行音下吏反遣執金吾候陳

茂假以鉦鼓應劭曰將帥乃有鉦鼓今茂官輕兵少又但往論曉之耳所以假鉦鼓者欲重

其威也鉦者鏡也似鈴柄中上下通師古曰鉦音征鏡音女交反募汝南南陽勇敢

吏士三百人諭說江湖賊成重等二百餘人皆自出

送家在所收事師古曰言身既自出又各送其家人詣本屬縣邑從賦役耳重徙

雲陽服虔曰重成重也作賊長帥故徙之也賜公田宅冬中二千石舉

治獄平歲一人李奇曰吏治獄平端也

三年春詔有司為皇帝納采安漢公莽女師古曰婚禮有納采

問名之禮謂采擇其可娶者語在莽傳又詔光祿大夫劉歆等襍

漢書帝紀

卷之五

六

劉歆曰賊二百餘人皆自出送家

定婚禮四輔公卿大夫博士郎吏家屬皆以禮娶親

迎立輅併馬服虔曰輅音謹立乘小車也併馬驪駕也師古曰新定此制也併音步鼎反

公奏車服制度吏民養生送終嫁娶奴婢田

宅器械之品立官稷及學官師古曰初立官稷於官社之後是為一處今更

創置建於別郡國曰學縣道邑侯國曰校校學置經

師一人鄉曰庠聚曰序張晏曰聚邑落名也師古曰聚小於鄉聚音才喻反

庠置孝經師一人陽陵任橫等自稱將軍盜庫兵攻

官寺出囚徒大司徒掾督逐皆伏辜安漢公世子宇

與帝外家衛氏有謀宇下獄歿誅衛氏

四年春正月郊祀高祖以配天宗祀孝文以配上帝

改殷紹嘉公曰宋公周承休公曰鄭公詔曰蓋夫婦

正謂父子親人倫定矣前詔有司復貞婦歸女徒師古

曰復音方目反誠欲以防邪辟辟讀曰僻全貞信及既悼之人師古

曰八十曰既七歲曰悼既音莫報反刑罰所不加聖王之所制也惟苛

暴吏多拘繫犯法者親屬婦女老弱構怨傷化百姓

苦之其明敕百寮婦女非身犯法及男子年八十以

上七歲以下家非坐不道詔所名捕它皆無得繫張晏

曰名捕謂下詔時所捕也其當驗者即驗問師古曰就具所居而問定著令

莽奏事史官只書安漢公蓋是時平帝之權已移于莽矣史臣非獨不敢書亦以見莽已有無君之心也

二月丁未立皇后王氏大赦天下遣太僕王憚等八

人置副假節分行天下覽觀風俗師古曰行音下更反賜九卿

已下至六百石宗室有屬籍者爵自五大夫以上各

有差師古曰五大夫弟九爵賜天下民爵一級鰥寡孤獨高年

帛夏皇后見于高廟加安漢公號曰宰衡應劭曰周公為太宰

伊尹為阿衡采伊周之尊以加莽賜公太夫人號曰功顯君封公子

安臨皆為列侯安漢公奏立明堂辟廡應劭曰明堂所以正四時

出教化辟廡者象壁園維之以水象教化流行尊孝宣廟為中宗孝元廟為

高宗天子世世獻祭冬置西海郡徙天下犯禁者處

之梁王立有罪自殺分京師置前輝光後丞烈二亭

更公卿大夫八十一元士官名位次及十二州名分

界郡國所屬罷置改易天下多事吏不能紀冬大風

吹長安城東門屋瓦且盡

五年春正月禘祭明堂應劭曰禮五年而再殷祭壹禘壹禘禘祭者毀廟與未毀

廟之主皆合食於太祖諸侯王二十八人列侯百二十

人宗室子九百餘人徵助祭師古曰徵召也禮畢皆益戶賜

爵及金帛增秩補吏各有差詔曰蓋聞帝王以德撫

民其次親親以相及也昔堯睦九族舜惇叙之虞書堯典

之地后為
祭禮都

篇 朕以皇帝幼年且統國政師古曰朕者太皇太后自稱也惟宗室

子皆太祖高皇帝子孫及兄弟吳頃楚元之後師古曰吳頃謂高帝之兄仲也初為代王后廢為合陽侯而漢子濞封為吳王故追諡仲為吳頃王頃讀曰傾

元至十有餘萬人雖有王侯之屬莫能相糾或陷

入刑罪教訓不至之咎也傳不云乎君子篤於親則

民興於仁其為宗室自太上皇以來族親各以世氏

郡國置宗師以糾之致教訓焉二千石選有德義者

以為宗師考察不從教令有寃失職者宗師得因郵

亭書言宗伯請以聞晉灼曰宗伯宗正也師古曰郵行書舍也言為書以付郵亭令

送至宗伯也郵音尤常以歲正月賜宗師帛各十匹義和劉歆

等四人使治明堂辟廱師古曰為使者而典其事令漢與文王靈

臺周公作洛同符太僕王暉等八人使行風俗宣明

德化萬國齊同皆封為列侯徵天下通知逸經古記

天文歷算鍾律小學史篇方術本草及以五經論語

孝經爾雅教授者在所為駕一封輶傳師古曰以一馬駕輶車而

乘傳傳音張戀反遣詣京師至者數千人閏月立梁孝王玄

孫之耳孫音為王冬十二月丙午帝崩于未央宮臣

日帝年九歲即位即位五年壽十四師古曰漢注云帝春秋益壯以母衛太后故恐不悅莽自知益疎篡

璜

弑之謀由是生因到臘日上椒酒置藥酒中故翟義移書云莽鳩弑孝平皇帝大赦天下有

司議曰禮臣不殤君皇帝年十有四歲宜以禮斂加

元服師古曰斂音力贍反奏可葬康陵臣瓚曰在長安北六十里詔曰皇帝

仁惠無不顧哀師古曰言帝平生多所顧念哀憐每疾一發氣輒上

逆害於言語故不及有遺詔其出媵妾皆歸家得嫁

如孝文時故事師古曰媵妾謂從皇后俱來者媵之言送也媵音食證反又音孕

贊曰孝平之世政自莽出衰善顯功以自尊盛觀其


文辭方外百蠻亡思不服休徵嘉應頌聲並作至乎

變異見於上民怨於下莽亦不能文也

葉適曰王莽秉政纔四月而篡事已成蓋承諸父之舊內外無非王氏之人故速捷如此

鍾人傑曰
言文數語
絕似元和
子厚筆西
漢之最秀
簡者

漢書卷一百一十五



Faint vertical text columns within a rectangular border on the right page, likely bleed-through from the reverse side. The characters are mostly illegible due to fading.

Vertical text on the left side of the right page, possibly a marginal note or a specific column of text, also appearing faint and partially illegible.

The left page of the document is mostly blank, showing signs of aging, discoloration, and some minor stains. There is a small blue mark near the top edge.

